

詞

綜



中華書局一九七三年十一月據
清康熙三十年裘杼樓刊本影印

詞綜卷三十一 補人

宋詞六十九首

蘇舜欽 一首

韓維 二首

韋驥 二首

劉燾 一首

歐陽澈 二首

胡舜陟 一首

胡仔 二首

倪偁 一首

王十朋 一首

洪邁 一首

姚述堯 一首

湯思退 一首

魏杞 一首

牟巖 二首

王自中 一首

丘密 七首

詞綜卷三十一

姜特立 一首

蔡柟 一首

張履信 二首

王岬 二首

韓 轆 一首

姚 鏞 一首

羅 椅 一首

楊伯崑 一首

周 晉 一首

楊 纘 三首

翁孟寅 三首

趙汝范 五首

馮去非 一首

許 棐 五首

陸 叡 一首

蕭泰來 一首

趙希邁 一首

趙崇礪 一首

趙希彭 二首

王 藻 一首

趙與御一首
樓槃二首

鍾雨過一首
黃蕪蘭一首

陳策一首
李振祖一首

蘇舜卿

字子美桐山人易簡之孫初補太廟齋郎尋第進士以范仲淹薦召試集賢校理監進奏院坐祠會除名後起為湖州長史罷居蘇州卒有滄浪集

水調歌頭滄浪亭

瀟灑太湖岸淡汔洞庭山魚龍隱處烟霧深鎖渺瀰間
方念陶朱張翰忽有扁舟急漿撇浪載鱸還落日暴風
雨歸路遶汀灣 丈夫志當景盛恥疎閒壯年何事憔悴
華髮改朱顏擬借寒潭垂釣又恐鷗猜鷺忌不肯傍

青綸刺棹穿蘆荻無語看波瀾

韓維

字持國雍丘人累官太子少傅轉太師紹聖中坐元祐黨安置均州徽宗初追復舊官有

南陽集

踏莎行

次韻范景仁寄子華

歸鴈低空游蜂趁暖憑高日向西雲斷具茨山外夕陽

多展江亭下春波滿雙桂情深千花明煥良辰誰是

同游伴辛夸花謝早梅開應須次第調絃管

雙桂樓千花

胡搗練令

夜來風橫雨飛狂滿地閒花衰草燕子漸歸春悄簾幙

垂清曉天將佳景與閒人美酒寧嫌華皓留取舊時

歡笑莫共秋光老

韋

驥

字子駿錢唐人皇祐五年進士累官尚書主客郎中夔州路提點刑獄

減字木蘭花

人生可意祇說功名貪富貴遇景開懷且盡生前有限
盃韶華幾許鶡鳩聲殘無覓處莫自因循一片花飛
減却春

菩薩蠻

和舒信道水心寺會

瓊盃且盡清歌送人生離合真如夢瞬息又春歸回頭
光景非香噴金獸暖歡意愁更短白髮不須量從教
千丈長

劉

燾

字無言劉誼次子元祐中進士為蘇軾黃庭堅所知有見南山集

花心動

梅

偏憶江梅有塵表丰儀世外標格低傍小橋斜出疎籬
似向隴頭曾識暗香孤韻冰霜裏初不怕春寒要勒問
桃李盈門怎生向前爭得 省共蕭娘去摘玉纖映瓊
枝照人一色淡粉暈酥多少飛來到得壽陽宮額再三
留待東君管都將那別花不惜但只恐高樓又三弄笛

歐陽澈

字德明崇仁人高宗即位南京伏闕上封事極詆用事大臣遂見殺所著有飄然集六卷

玉樓春

年時醉倚温温玉妒月精神疑可掬香絲篆裊一簾秋

澌灑十分浮蟻綠 興來笑把朱絃促切切含情聲斷
續曲中依約斷人腸除却梨園無此曲

小重山

紅葉傷心月午樓襲人風細細遠烟浮
慵騰醉眼不禁秋追舊事拍塞一懷愁
心緒兩悠悠東陽消瘦損甚風流擬憑
仙枕夢中遊無眠久通夕數更籌

胡舜陟

字汝名績溪人大觀中進士為監察御史建炎中以集英殿修撰知廬州遷壽廬等州鎮

撫使

漁家傲

幾日北風江海立千車萬馬濤聲急短棹峭寒欺酒力

飛雨息瓊花細細穿窓隙
今我綠蓑青箬笠浮家泛

宅烟波逸渚鷺沙鷗都舊識
行未得高歌與爾相尋覓

胡仔

字元任新安人舜陟子寓居吳興號苕溪漁隱宣和間仕建安主簿有叢話百卷

滿江紅

泛宅浮家何處好
苕溪清境占雲山
萬疊烟波千頃茶
竈筆牀渾不用
雪蓑月笛偏相稱
爭不教二紀賦歸來
甘幽屏
紅塵事誰能省
青霞志方高
引任家風舴艋
生涯笠簪三尺鱸魚真好鱠
一瓢春酒宜閒飲
問此時
懷抱向誰論
惟箕穎

水龍吟

以李長吉美人梳頭歌填

夢寒鮪帳春風曉檀枕半填香髻轆轤初轉欄杆鳴玉
咿啞驚起眠鴨凝烟舞鸞翻鏡影開秋水解低頭試整
牙牀對立香絲亂雲拖地纖手犀梳落處膩無聲重
盤鴉翠蘭膏勻漬冷光欲溜鸞釵易墜年少偏嬌鬟多
無力惱人風味甚含情不語下堦漫自折花枝戲

詞倪

偁

字文舉吳興人紹興八年進士官太常寺主簿有綺川詞一卷

風月吟詩

裡漁臨江仙

結束征鞍臨驛路長林積雪消初天回春色到平蕪不
堪盃酒罷便與故人疎一曲陽關歌未闕僕夫催上
脩途非君思我更誰歟西風吹過雁應有寄來書

王十朋

字龜齡樂清人由太學廷對擢第一除著作郎遷大宗正丞累遷國子司業陞侍講歷四都守除侍御史以龍圖閣學士致仕諡忠文有梅溪集

點絳脣

除醪

野態芳姿枝頭占得春長久怕鈎衣袖不放攀花手

試問東風花似當時否還依舊謫仙去後風月今誰有

洪邁

字景廬號野處

踏莎行

院落深沉池塘寂靜簾鈎捲上梨花影寶箏拈得雁難尋篆香消盡山空冷
銀釵鳳斜敝鬢蟬不整殘紅立褪慵看鏡杜鵑啼月一聲聲等閒又是三春盡

姚述堯

錢唐人有簫臺公餘詞一卷

臨江仙

呈桐川使君丁郎中仲京

佳節喜逢長久日
翩翩鳧舄朋來霜
清天宇絕塵埃遙

憐巴嶺月擬上曲江臺
懷縣從容留客宴
追歡正好

傳盃使君歸騎莫相催
更拚明日醉未放
菊花開小只

湯思退

字進之處州人紹興中由縣令試博學宏詞科除秘書省正字累官端明殿學士僉書樞

密院事後責居永州

菩薩蠻

水月寺

畫船橫絕湖波練
更上雕鞍窮翠巘
霜橋半垂黃征衣

盡日香鐘聲雲外聽
金界青松映何處
是華山峰巒

杳靄間

魏

杞

字南夫壽春人一云開封人累官右僕射兼樞密使以使金不辱命驟登相位乾道丁亥以災異同葉顥策免卒諡文節

虞美人

梅

冰膚玉面孤山裔肯到人間世天然不與百花同却恨無情輕付與東風
麗譙三弄江梅曉立馬溪橋小只應明月最相思曾見幽香一點未開時

牟

嚙

字獻甫吳興人大理少卿有陵陽先生集

木蘭花慢

餞公孫倅

山城如斗大君肯為兩年留問讀易堂前修然松菊留

得君不天邊乍傳消息趁東風歸待翠雲裘留取去思
無限江籬香滿汀洲不妨無蟹有監州臭味喜相投
怪底事朝來驪歌催唱喚起離愁羨君戲綵脫却一身
輕無事也無憂昨夜夢隨杖履道林岳麓同游

漁家傲

病枕逢逢驚曉鼓那堪送客江頭路莫唱驪駒催客去
風又雨花飛一片愁千縷折柳淒然無剩語加餐更
把篝衣護泥滑籃輿須穩度雲飛處親闈安問應旁午

王自中

字道甫平陽人淳熙中登進士
第光宗朝起知邵州興化軍

酌江月

題釣臺

扁舟夜泛向子陵臺下偃帆收櫓水濶風搖舟不定依
約月華新吐細酌清泉痛澆塵臆喚起先生語當年綸
釣爲誰高臥烟渚還念古往今來功名可共能幾人
光武一旦星文驚四海從此故人何許到底軒裳不如
蓑笠久矣心相與天低雲淡浩然吾欲高舉

丘 密

字宗卿江陰軍人隆興元年進士累官資政
殿學士拜同知樞密院事率諡文定有詞一

卷

洞仙歌 辛卯元夕

江城梅柳慣得春先處催趁風光上歌舞見九衢車馬
流水如龍喧笑語羅綺香塵載路歡娛多暇日樽俎

風流重見承平舊官府有多少佳麗事墮珥遺簪芳徑
裏瑟瑟珠璣翠羽好惜取韶華醉連宵更莫待收燈酒
闌人去

又 賦金林檎

豐肌膩體淡雅仍矜貴不與羣芳競姝麗向瓊林珠殿
獨占春風仙仗裏曾奉三宮燕喜念低徊如有恨失意
含羞樂事繁華竟誰記應憐我今老去無句酬伊吟未
就不覺東風又起鎮獨自黃昏怯輕寒這情緒年年共
花憔悴

雨 沁園春

景明告行頗動懷歸之念偶得帥卿詞因
次其韻前闕奉送後闕以自見云

雨趁輕寒風作秋聲燕歸雁來動天涯羈思登山臨水
驚心節物極目烟埃客裏逢君纔同一笑何遽言歸如
此哉別離久算不應興盡却棹船迴主人下榻高齋
更檢點笙歌頻宴開便流連不到迎春見柳也須小駐
度臘觀梅樓上盈盈閨中脉脉應念胡麻好種栽從教
去正危欄望斷小倚徘徊

撲蝴蝶

蜀中作

鳴鳩乳燕春在梨花院重門鎮掩沉沉簾不捲紗窓紅
日三竿睡鴨餘香一綫佳眠悄無人喚
謾消遣行雲
無定楚雨難憑夢魂斷清明漸近天涯人正遠儘教閒

翠竹如屏淺山如畫小池面危橋一跨著樓亭臨水宛
然郊野竹籬茅舍好是天寒倍添妍雅正雪意垂垂
欲下更朦朧月影弄晴初夜梅花動也

姜特立

字邦傑麗水人以恩補郎淳熙中遷閣門舍人充春坊官幸於太子即位以春坊舊人恃恩無忌爲留正所論奪職寧宗朝拜慶遠軍節度使有梅山續稿詞一卷

蝶戀花

送妓

飄粉吹香三月暮病酒情懷愁緒渾無數有箇人人來
又去歸期有恨難留住明日尊前無覓處咿軋籃輿
只向雙溪路我輩情鍾君漫與爲雲爲雨應難據

蔡柟

字堅老號雲壑

鷓鴣天

病酒厭厭與睡宜
珠簾羅幙捲銀泥
風來綠樹花含笑
恨入西樓月斂眉
兩驚瘦盡怨歸遲
休將桐葉更題詩
不知橋下無情水
流到天涯是幾時

張履信

字思順
號遊初

柳梢青

雨歇桃繁風微柳靜
日淡湖灣寒食清明
雖然過了未
覺春閒
行雲掩映春山
真水墨山陰道間
燕語侵愁
花飛撩恨人在江南

春鍾謁金門

春睡起小閣明窓兒底簾外雨聲花積水薄寒猶在裏
欲起還慵未起好是孤眠滋味一曲廣陵應忘記起
來調綠綺

兩王對嶠

字季夷
號貴英

祝英臺近

柳烟濃花露重合是醉時候樓倚花梢長記小垂手誰
教釵燕輕分鏡鸞慵舞是孤負幾番晴晝自別後聞
道花底花前多是兩眉皺又說新來比似舊時瘦須知
兩意長存相逢終有莫謾被春光儂慙

夜行船

曲水濺裙三月二馬如龍鈿車如水風颺游絲日烘晴
晝人共海棠俱醉客裏光陰難可意埽芳塵舊游誰
記午夢醒來不覺小窓人靜春在賣花聲裏

韓 轆

字子耕
號蕭閒

高陽臺

除夕

頻聽銀籤重燃絳蠟年華袞袞驚心餞舊迎新能消幾
刻光陰老來可慣通宵飲待不眠還怕寒侵掩清尊多
謝梅花伴我微吟鄰娃已試春妝了更蜂枝簇翠燕
股橫金勾引東風也知芳意難禁朱顏那有年年好逞
艷游羸取如今恣登臨殘雪樓臺遲日園林

姚

鏞

字希聲
號雪蓬

謁金門

吟院靜遲日自行花影熏透水沉雲滿鼎晚妝窺露井

飛絮游絲無定誤了鶯鶯相等欲喚海棠教睡醒奈

何春不肯

羅高椅

字子遠
號澗谷

柳梢青

萼綠華身小桃花扇安石榴裙子野聞歌周郎顧曲曾

惱夫君悠悠羈旅愁人似零落青天斷雲何處銷魂

初三夜月第四橋春吹簫曉車吹水風颿滿綠日熱

楊伯喆

字彥瞻
號泳齋

踏沙行

雪中疎寮借閣帖更以薇露送之

梅觀初花蕙庭殘葉當時慣聽山陰雪東風吹夢到清
都今年雪比前年別 重釀宮醪雙鈎官帖伴翁一笑
成三絕夜深何用對青藜窓前一片蓬萊月

周

晉

字明叔
號嘯齋

清平樂

圖書一室香暖垂簾密花滿翠壺熏研席睡覺滿窓晴
日手寒不了殘碁篝香細勘唐碑無酒無詩情緒欲
梅欲雪天時

楊

纘

字繼翁
號守齋

八六子

牡丹次白雲韻

怨殘紅夜來無賴雨催春去匆匆但暗水新流芳恨蝶
淒蜂慘千林嫩綠迷空 那知國色還逢柔弱華清扶
倦輕盈洛浦臨風細認得凝妝點脂勻粉露蟬聳翠藻
金團玉成叢幾許愁隨笑解一聲歌轉春融眼朦朧凭
欄半醒醉中

一枝春

除夕

竹爆驚春競喧填夜起千門簫鼓流蘇帳暖翠鼎緩騰
香霧停盃未舉奈剛要送年新句應自有歌字清圓未

誇上林鶯語
從他歲窮日暮縱閑愁怎減劉郎風度
屠蘇辦了迤邐柳欺梅妒宮壺未曉早嬌馬繡車盈路
還又把月夜花朝自今細數

被花惱

自度腔

疎疎宿雨釀寒輕簾幙靜垂清曉寶鴨微溫瑞烟少簷
聲不動春禽對語夢怯頻驚覺敲珀枕倚銀牀半窓花
影明東照
惆悵夜來風生怕嬌香混瑤草披衣便起
小徑回廊處處都行到正千紅萬紫競芳妍又還似年
時被花惱
驀忽地省得而今雙鬢老

翁孟寅

字賓陽
號五峰

齊天樂 元夕

紅香十里銅駝夢如今舊遊重省節序飄零歡娛老大
慵立燈光蟾影傷心對景怕回首東風雨晴難准曲巷
幽坊管絃一片笑相近 飛棚浮動翠葆看金釵半溜
春爐紅粉鳳輦熬山雲收霧斂迤邐銅壺漏迥霜風漸
緊展一幅青綃淨懸孤鏡帶醉扶歸曉醒春夢穩

燭影搖紅

樓倚春城瑣窓曾共巢春燕人生好夢逐春風不似楊
花健舊事如天漸遠奈晴絲牽愁未斷鏡塵埋恨帶粉
棲香曲屏寒淺 環珮空歸故園羞見桃花面輕烟淺

照下闌干獨自疎簾捲一信狂風又晚海棠花隨風滿
院亂鴉啼後杜宇啼時一聲聲怨
阮郎歸

月高樓外柳花明單衣怯露零小橋燈影落殘星寒烟
蘸水萍歌袖窄舞環輕梨花夢滿城落紅啼鳥兩無
情春愁添曉醒

趙汝光

字參晦
號霞山

梅花引

對花時節不曾歡見花殘任花殘小約簾櫳一面受春
寒題破玉楸雙喜鵲香燼冷遶雲屏渾是山
待眠未

眠事萬千也問天也恨天髻兒半偏繡裙兒寬了還寬
自取紅氈重坐暖金船惟有月知君去處今夜月照秦
樓第幾間

夢江南

簾不捲細雨熟櫻桃數點霽霞天又曉一痕涼月酒初
消風急絮花高閒游處磨盡少年豪昨夢醉來騎白
鹿滿湖春水段家橋濯髮聽吹簫
戀繡衾

柳絲空有萬千條繫不住溪頭畫橈想今宵也對新月
過輕寒何處小橋玉簫臺榭春多少溜啼痕盈臉未

消怪別來燕支慵傅被東風偷在杏梢

漢宮春

著破荷衣笑西風吹我又落西湖湖間舊時飲者今與
誰俱山山映帶似携來畫卷重舒三十里芙蓉步障依
然紅翠相扶青一目清無留處任屋浮天上身集空虛
殘烟夕陽過雁點點疎疎故人老大好襟懷消滅全無
漫贏得秋聲兩耳冷泉亭下騎驢
如夢令
小研紅綾箋紙一字一行春淚封了更親題題了又還
折起歸未歸未好箇瘦人天氣

馮去非

字可遷
號深居

喜遷鶯

涼生遙渚正綠芰擎霜黃花招雨鴈外漁燈菴邊蟹舍
絳葉□秋來路世事不離雙鬢遠夢偏欺孤旅送望眼
但憑舷微笑書空無語慵看清鏡裏十載征塵長把
朱顏污借筓青油揮毫紫塞舊事不堪重舉間濶故山
猿鶴冷落同盟鷗鷺倦遊也便檣雲拖月浩歌歸去

許

棐

字忱父海鹽人有梅屋稿
及獻醜集嘉熙間自爲序

鷓鴣天

翠鳳金鸞繡欲成沉香亭下款新晴綠隨楊柳陰邊去

紅踏桃花片上行
鶯意緒
蜨心情
一時分付小銀箏

歸來欲醉花柔困
月瀟窓紗約半更

琴調相思引

孤迥盟鸞心在跨鶴程高

組繡盈箱錦滿機
倩人縫作護花衣
恐花飛去無復上
芳枝
已恨遠山迷
望眼不須更畫遠
山眉正無聊賴
雨外一鳩啼

後庭花

玉鑿冰門水滸山無雙

一春不識西湖面
翠羞紅倦
兩窓紅淚搖湘管
意長箋短
知心惟有雕梁燕
自來相伴
東風不管琵琶怨
落花吹徧

夜行船

一轡東風留不住
離歌斷日斜春暮
多事啼鶯妒情飛
燕一路送人歸去
文君自被琴心悞
却惆悵落花飛
絮錦字機寒玉
爐烟冷門外亂山無數

喜遷鶯

鳩雨細燕風斜
春悄謝娘家
一重簾外卽天涯
何必暮
雲遮
釧金寒釵玉冷
薄醉欲成還醒
一春梳洗不簪
花孤負幾年華

陸

叡

字景思
號雲西

瑞鶴仙

梅

濕雲黏鴈影望征路愁迷離緒難整千金買光景但疎
鐘催曉亂鴉啼暝花棕暗省許多情相逢夢境便行雲
都不歸來也合寄將音信孤迥盟鸞心在跨鶴程高
後期無準情絲待剪翻惹得舊時恨怕天教何處參差
雙燕還染殘朱剩粉對菱花與說相思看誰瘦損

蕭泰來

字則陽
號小山

霜天曉角

梅

千霜萬雪受盡寒磨折賴是生來瘦硬渾不怕角吹徹
清絕影也別知心惟有月元沒春風情性如何共海

棠說

趙希邁

字瑞行
號西里

八聲甘州

竹西懷古

寒雲飛萬里一番秋一番攪離懷向隋堤躍馬前時柳
色今度蓬萊錦纜殘香在否枉被白鷗猜千古揚州夢
一覺庭槐歌吹竹西難問拚菊邊醉著吟寄天涯任
紅樓踪跡茅舍染蒼苔幾傷心橋東片月趁夜潮流恨
入秦淮潮回處引西風恨又渡江來

趙崇礪

字漢宗
號白雲

蜨戀花

一剪微寒禁翠袂花下重開舊燕添新壘風旋落紅香

匝地海棠枝上鶯飛起
薄霧籠春天欲醉碧草澄波
的的情如水料想紅樓挑錦字輕雲淡月人憔悴

趙希彭

字清中
號十洲

霜天曉角

桂

姮娥戲劇手種長生粒寶榦婆娑千古飄芳吹滿虛碧
韻色檀露滴人間秋第一金粟如來境界誰移在小

亭側

秋藥香

髻穩冠宜翡翠壓鬢絲絲金藥遠山碧淺蘸秋水香煖
榴裙襯地
寧寧二八餘年紀惱春意玉雲凝重步塵

細獨立花陰寶砌

王藻

字身甫
號瓦全

霜天曉角

梅

疎明瘦直不受東皇識
留取伴春應肯萬紅裏
怎著得
夜色何處笛曉寒無奈力
若在壽陽宮殿一點點有

人惜

趙與鉞

字慶御
號崑崙

謁金門

歸去去風急蘭舟不住
夢裏海棠花下語醒來無覓處
薄倖心情似絮長是輕分輕聚
待得來時春幾許綠

陰三月暮

樓

槃

字考甫
號曲澗

霜天曉角

梅

月淡風輕黃昏未是清吟到十分清處也不啻二三更

曉鐘天未明曉霜人未行只有城頭殘角說得盡我

平生

又

剪雪裁冰有人嫌太清又有人嫌太瘦都不是我知音

誰是我知音孤山人姓林一自西湖別後辜負我到

如今

鍾

過

字改之
號梅心

步蟾宮

東風又送酴醾信
早吹得愁成潘鬢
花開猶是十年前
人不似十年前俊
水邊珠翠香成陣也
消得燕窺鶯
認歸來沉醉月朦朧
覺花氣滿襟猶潤

黃蘭

字元易
號東浦

柳梢青

病酒心情喚愁無限
可奈流鶯又是一年
花驚寒食柳
認清明
天涯翠巘層層是
多少長亭短亭倦倚東風
只憑好夢飛到銀屏

陳策

字次賈
號南墅

摸魚兒

仲宣樓賦

倚危樓酌春懷古輕寒纔轉花信江城望極多愁思前
事惱人方寸湖海興算合付元龍舉白澆談吻憑高試
問問舊日王郎依劉有地何事賦幽憤沙頭路休記
家山遠近賓鴻一去無信滄波渺渺空歸夢門外北風
淒緊烏帽整便做得功名難綠星星鬢敲吟未穩又白
鷺飛來垂楊自舞誰與寄離恨

李振祖

號中山

春在浪淘沙

春在畫橋西畫舫輕移粉香何處度漣漪認得一船楊
柳外簾影垂垂誰倚碧欄低酒暈雙眉鴛鴦並浴燕
交飛一片閒情春水隔斜日人歸

詞綜卷三十一

三十一

春在畫橋西畫舫輕移粉香何處度漣漪認得一船楊
柳外簾影垂垂誰倚碧欄低酒暈雙眉鴛鴦並浴燕
交飛一片閒情春水隔斜日人歸

詞綜卷三十一

詞綜

詞綜卷三十二 補人

宋詞六十八首

汪元量 九首

施岳 三首

張樞 四首

李演 六首

丁宥 一首

史介翁 一首

周端臣 一首

何光大 一首

趙潛 一首

劉天瀾 一首

張龍榮 一首

王億之 一首

余桂英 一首

胡仲弓 一首

尚希尹 一首

柴望 一首

朱藻 一首

黃鑄 一首

王同祖 一首

王茂孫 二首

張翥 二首

張勳 林 一首

朱鼎孫 一首

吳大有 一首

趙崇霄 一首

范晞文 一首

鄭斗煥 一首

曹良史 一首

趙與仁 三首

王奕 四首

湯彌昌 二首

趙必璩 一首

宋歸陳十紀 一首

楊澤民 一首

陳十先 一首

東從周 一首

李震 一首

李銓 一首

陳從古 一首

鄭子玉 一首

章麗真 一首
袁正真 一首

汪元量

字大有號水雲錢塘人以善琴事謝后王昭儀宋亡隨三宮留燕後為黃冠師南歸有湖

山類藁多紀國亡北徙事

滿江紅 吳江秋夜

一箇蘭舟雙桂槳順流東去但滿目銀光萬頃淒其風

露漁火已歸鴻雁汊權歌更在鴛鴦浦漸夜深蘆葉冷

颼颼臨平路吹鐵笛鳴金鼓絲玉鱸傾香醕且浩歌

痛飲藕花深處秋水長天迷遠望曉風殘月空凝竚問

人間今夕是何年清如許

琴調相思引

越上賞花

曉拂菱花巧畫眉
猩羅新剪作春衣
恐春歸去無處看
花枝已恨東風成去客
更教飛燕舞些時
惜花人醉頭上插花歸

長相思

越上寄雪江

吳山深越山深
空谷佳人金玉音
有誰知此心
夜沉沉漏沉沉
閒却梅花一曲琴
月高松竹林

好事近

浙江樓聞笛

獨倚浙江樓
滿耳怨笳哀笛
猶有梨園聲在
念那人天

北 海棠顛顛怯春寒風雨怎禁得回首華清池畔渺
露蕪烟荻

鶯啼序 重過金陵

金陵故都最好有朱樓迢遞嗟倦客又此憑高檻外已
少佳致更落盡梨花飛盡楊花春也成憔悴問青山三
國英雄六朝奇偉 麥甸葵丘荒臺敗壘鹿豕銜枯薺
正潮打孤城寂寞斜陽影裏聽樓頭哀笳怨角未把酒
愁心先醉漸夜深月滿秦淮烟籠寒水 悽悽慘慘冷
冷清清燈火渡頭市慨商女不知興廢隔江猶唱庭花
餘音疊疊傷心千古淚痕如洗烏衣巷口青蕪路認依

言終卷三十二
三
稀王謝舊鄰里臨春結綺可憐紅粉成灰蕭索白楊風
起 因思疇昔鐵索千尋謾沉江底揮羽扇障西塵便
好角巾私第清談到底成何事回首新亭風景今如此
楚囚對泣何時已歎人間今古真兒戲東風歲歲還來
吹入鍾山幾重蒼翠

六州歌頭

江都

綠蕪城上懷古恨依依淮山碎江波逝昔人非今人悲
惆悵隋天子錦帆裏環珠履叢香綺展旌旗盪漣漪擊
鼓撾金擁瓊瑤玉吹恣意游嬉斜日暉暉亂鶯啼 銷
魂此際君臣醉貔貅弊事如飛山河墜烟塵起風淒淒

雨霏霏草木皆垂淚家國棄竟忘歸笙歌地歡娛地盡
荒畦惟有當時皓月依然挂楊柳青枝聽堤邊漁叟一
笛醉中吹興廢誰知

水龍吟

淮河舟中夜聞宮人琴聲

鼓聲驚破霓裳海棠亭北多風雨歌闌酒罷玉啼金泣
此行良苦駝背糲糊馬頭匝匝朝朝暮暮自都門燕別
龍艘錦纜空載得春歸去目斷東南半壁悵長淮已
非吾土受降城下草如霜白淒涼酸楚粉陣紅圍夜深
人靜誰賓誰主對漁燈一點羈愁一榻譜琴中語

望江南

幽州九日

望江南

詞餘卷三十二
四
官舍悄坐到月西斜永夜角聲悲自語客心愁破正思
家南北各天涯腸斷裂搔首一長嗟綺席象牀寒玉
枕美人何處醉黃花和淚撚琵琶

唐多令

吳江中秋

莎草被長洲吳江拍岸流憶故家西北高樓十載客窓
憔悴損搔短鬢獨悲秋人在塞邊頭斷鴻書寄不記
當年一片閒愁舞罷羽衣塵滿面誰伴我廣寒遊

施岳

字仲山
號梅川

水龍吟

翠鰲湧出滄溟影橫棧壁迷烟墅樓臺對起闌干重凭

山川自古梁苑平蕪汴堤疎柳幾番晴雨看天低四遠
江空萬里登臨處分吳楚兩岸花飛絮舞度春風滿
城簫鼓英雄暗老昏潮曉汐歸帆過櫓淮水東流塞雲
北渡夕陽西去正淒涼望極中原路杳月來南浦

解語花

雲容泣雪暮色添寒樓臺共臨眺翠叢深窅無人處數
蘂弄春猶小幽姿謾好遙相望含情一笑花解語因甚
無言心事應難表莫待牆陰暗老趁琴邊月夜笛裏
霜曉護香須早東風度咫尺画欄瓊沼歸來夢繞歌雲
墜依然驚覺想恁時小几銀屏冷未了

曲游春

清明湖上

畫舸西泠路占柳陰花影芳意如織小楫衝波度麴塵
 扇底粉香簾隙岸轉斜陽隔又過盡別船簫笛傍斷橋
 翠繞紅圍相對半篙晴色頃刻千山暮碧向沽酒樓
 前猶繫金勒乘月歸來正梨花夜編海棠烟幕院宇明
 寒食醉乍醒一庭春寂任滿身露濕東風欲眠未得

張

樞

字斗南
號寄閒

瑞鶴仙

捲簾人睡起放燕子歸來商量春事風光又能幾減芳
 菲都在賣花聲裏吟邊眼底披嫩綠移紅換紫甚等閒

半委東風半委小溪流水
還是苔痕湔雨竹影留雲
待晴猶未蘭舟靜艤西湖上
多少歌吹粉蝶兒守定落花
不去濕重尋香兩翅怎知人
一點新愁寸心萬里

風入松

春寒嬾下碧雲樓
花事等閒休
紅綿濕透鞦韆索
記伴仙曾倚嬌柔
重疊黃金約臂
玲瓏碧玉搔頭
熏爐誰熨
煖衣篝消遣酒醒愁
舊巢未著新來燕
任珠簾不上瓊鈎
何處東風院宇
數聲揭調甘州

南歌子

柳戶朝雲濕
花窓午篆清
東風未放十分晴
留戀海棠

顏色過清明 壘潤棲新燕
籠深鎖舊鶯 琵琶可是不
堪聽 無奈愁人把做斷腸聲

壺中天

月夕登繪幅堂與篔房各賦一解

鴈橫迥碧 漸烟收極浦
漁唱吹晚臨水樓臺乘醉倚雲
引吟情閒遠露脚飛涼山眉鎖
暝玉宇冰奩滿平波不動桂華
低印清淺應是瓊斧修成鉛霜
搗就舞霓裳曲徧窈窕西窓誰
弄影紅冷芙蓉深苑賦雪詞工
留雲歌斷偏惹文簫怨人歸鶴
唳翠簾十二空捲

李演

字廣翁號秋堂

摸魚兒

太湖

又西風四橋疎柳驚蟬相對秋語瓊荷萬笠花雲重
嫋紅衣如舞鴻北去渺岸芷汀芳幾點斜陽字吳亭舊
樹又繫我扁舟漁鄉釣里秋色淡歸鷺長干路蔓草
疎烟斷墅商歌如寫羈旅丹溪翠岫登臨事苔屐尚粘
蒼土鷗且住怕月冷吟魂婉冉空江暮明燈暗浦更短
笛銜風長雲弄晚天際畫秋句

聲聲慢

問梅孤山

輕韉繡谷柔屐烟堤六年遺賞新續小舫重來惟有寒
沙鷗熟徘徊舊情易冷但溶溶翠波如縠愁望遠甚雲
消月老暮山自綠頰笑人生悲樂且聽我樽前漁歌

樵曲舊閣塵封長得樹陰如屋淒涼五橋歸路載寒秀
一枝疎玉翠袖薄晚無言空倚修竹

醉桃源

題小扇

雙鴛初放步雲輕香簾蒸未晴杏鎔暗淚結紅冰留春
蝴蝶情 寒薄薄日陰陰錦鳩花底鳴春懷一似草無
憑東風吹又生

南鄉子

夜飲燕子樓

芳水戲桃英小滴燕支浸綠雲待覓瓊觚藏綵信流春
不似題紅易得沉 天上許飛瓊吹下蓉笙染玉塵可
惜素鸞留不得更深誤剪燈花斷了心

八六子

次篋房韻

乍鷗邊一番腴綠流紅又怨蘋花看晚吹約晴歸路夕
陽分落漁家輕雲半遮
縈情芳草無涯還報舞香一
曲玉飄幾許春華正細柳青烟舊時芳陌小桃朱戶去
年人面誰知此日重來繫馬東風淡墨敬鴉黯窻紗人
歸綠陰自斜

祝英臺近

次篋房韻

采芳蘋縈去艣歸步翠微雨柳色如波縈恨滿烟浦東
君若是多情未應花老心已在綠成陰處
困無語柔
被褰損梨雲閒修牡丹譜妒粉爭香雙燕爲誰舞年年

紅紫如塵五橋流水知送了幾番愁去

丁宥

字基重
號宏菴

采芝水龍吟

鴈風吹裂雲痕小樓一線斜陽影殘蟬抱柳寒蛩入戶

淒音忍聽愁不禁秋夢還驚客青燈孤枕未更深早是

梧桐泣露那更度蘭宵永空歎銀餅金井醉鄉醒溫

柔鄉冷征塵倦撲閒花漫舞何心管領葱指冰絃蕙懷

春錦楚梅風韻悵芙蓉城杳藍雲依黯鎖巫峰暝香

史介翁

字吉父
號梅屋

菩薩蠻

柳絲輕颺黃金縷織成一片紗窓雨鬪合做春愁困慵
熏玉篝 暮寒羅袖薄社雨催花落先自爲詩忙薔薇
一陣香

周端臣

字彥良
號葵窓

木蘭花慢

送人之官九華

靄芳陰未解乍天氣過元宵訝客袖猶寒吟窓易曉春
色無聊梅梢尚留顧藉帶東風未肯雪輕飄知道詩翁
欲去遞香要送蘭橈 清標會上叢霄千里阻九華遙
料今朝別後他時有夢應夢今朝河橋柳愁未醒贈行
人又恐越魂消留取歸來繫馬翠長千縷柔條

何光大

字謙履
號半湖

謁金門

天似水池上藕花風起隔岸垂楊青到地亂螢飛又止
露濕玉欄閒倚人靜自生涼意泛碧沉朱供晚醉月
斜纔去睡

趙

潛

字元晉
號水壺

臨江仙

西湖春泛

堤曲朱牆近遠山明碧瓦高低好風二十四花期嬌驄
穿柳去文鷁挾波飛簫鼓晴雷殷殷笑歌香霧霏霏
閒情不受酒禁持斷橋無立處斜日欲歸時

劉瀾

字養源
號江村

齊天樂

吳興郡宴遇舊人

玉釵分向金華後
回頭路迷仙苑落翠驚風流紅逐水
誰信人間重見花深半面尚歌得新詞柳家三變綠葉
陰陰可憐不是那時看
劉郎今度更老雅懷都不到
書帶題扇花信風高茗溪月冷明日雲帆天遠塵緣較
短怪一夢輕回酒闌歌散別鶴驚心感時花淚濺

張龍榮

字成子
號梅深

摸魚兒

又吳塵暗斑吟袖西湖深處能浣晴雲片片平波影飛

趁棹歌聲遠回首喚彷彿記春風共載斜陽岸輕携分
短悵柳密藏橋烟濃斷徑隔水語音換 思量徧前度
高陽酒伴離棕悲事何限雙峰塔露書空穎情共暮鴉
盤轉歸思嬾悄不似留眠水國蓮花畔燈簾暈滿正蠹
帙重緜沉煤半冷風雨閉宵館

王億之

字景陽
號松間

高陽臺

雙槩敲冰低篷護冷扁舟曉渡西泠回首吳山微茫遙
帶重城堤邊幾樹垂楊柳早嫩黃搖動春情問孤鴻何
處飛來共喚飄零 輕帆初落沙洲暝漸潮痕雨漬面

色風皺旅思羈愁偏能老大行人姮娥不管征途苦甚
夜深儘照孤衾想玉樓猶凭闌干爲我銷凝

余桂英

字子發
號野雲

小桃紅

芳草連天暮斜日明汀渚懊恨東風恍如春夢匆匆又
去早知人酒病更詩愁鎮輕隨飛絮寶鏡空留恨箏
雁渾無據門外當時薄情流水如今何處正相思望斷
碧山雲又鶯啼晚雨

胡仲弓

字希聖
號葦杭

謁金門

蛾黛淺只爲晚寒妝嬾潤逼鏡鸞紅霧滿額花留半面
漸次梅花開徧花外行人已遠欲寄一枝嫌夢短濕
雲和恨剪

尚希尹

字莘老
號畏齋

浪淘沙

結客去登樓誰繫蘭舟半篙清漲雨初收把酒留春春
不住柳暗江頭老去怕閒愁莫莫休休晚來風惡下
簾鈎試問落花隨水去還解西流

柴望

字仲山
號秋堂

念奴嬌

春來多困正晷移簾影銀屏深閉喚夢幽禽烟柳外驚
斷巫山十二宿酒初醒新愁半解惱得成憔悴鬢鬆雲
鬢不吹鸞鏡梳洗門外滿地香風殘梅零落玉糝蒼
苔碎乍暖乍寒渾莫擬欲試羅衣猶未鬪草雕欄買花
深院做踏青天氣晴鳩鳴處一池昨夜春水

朱

藻

號野逸

採桑子

障泥油壁人歸後滿院花陰樓影沉沉中有傷春一片
心閒穿綠樹尋梅子斜日籠明團扇風輕一徑楊花
不避人

黃

鑄

字晞顏
號乙山

秋藥香令

花外數聲風定烟際一痕月淨水晶屏小敬翠枕院靜
鳴蛩相應香銷斜掩青銅鏡背燈影寒砧夜半和鴈
陣秋在劉郎綠鬢

王同祖

字與之
號花洲

阮郎歸

一簾疎雨細于塵春寒愁殺人桐花庭院近清明新烟
浮舊城千尋蜨夢怯鶯聲柳絲如妾情丙丁帖子画教
成妝臺求晚晴

王茂孫

字景周
號梅山

高陽臺

春夢

遲日烘晴輕烟縷畫鎖窓雕戶慵開人獨春閒金猊暖
透蘭煤山屏煖倚珊瑚畔任翠陰移過瑤階悄無聲絲
翅翩翩何處飛來 片時千里江南路被東風悞引還
近陽臺膩雨嬌雲多情恰喜徘徊無端枝上啼鳩喚便
等閒孤枕驚回惡情懷一院楊花一徑蒼苔

點絳脣

蓮房

折斷烟痕翠蓬初離鴛鴦浦玉纖相妒翻被專房悞
乍脫青衣猶著輕羅護多情處芳心一縷都爲相思苦

張桂 字惟月
號竹山

菩薩蠻

東風忽驟無人見
玉塘烟浪浮花片
步濕下香堦
苔粘金鳳鞋
翠鬟愁不整
臨水閒窺影
摘得野薔薇
游蜂相趁歸

浣溪沙

雨壓楊花路半乾
蜂遺花粉在闌干
牡丹開盡正春寒
懶品么絃金鴈並
瘦驚雙釧玉魚寬
新愁不放翠眉

閒

張林 字去非
號樗嵒

柳梢青 燈花

白玉枝頭忽看蓓蕾金粟珠垂半顆安榴一枝穠杏五
色薔薇何須羯鼓聲催銀缸裏春工四時却笑燈蛾
學他蜂蝶照影頻飛

朱昂孫

字令則
號萬山

真珠簾

春雲做冷春知未春愁在碎雨敲花聲裏海燕已尋蹤
到畫溪沙際院落鞦韆楊柳外待天氣十分新霽春市
又青帘巷陌紅芳歌吹須信處處東風又何妨對此
籠香覓醉曲盡索餘情奈夜航催離夢滿冰衾身似寄

算幾度吳鄉烟水無寐試明朝說與西園桃李

吳大有

字有大
號松壑

點絳脣

送李琴泉

江上旗亭送君還是逢君處酒闌呼渡雲壓沙鷗暮

漠漠蕭蕭香凍梨花雨添愁緒斷腸柔櫓相逐寒潮去

趙崇霄

字有得
號蓮壘

東風第一枝

妒雪梅甦迷烟柳醒游絲輕颺新霽捲簾看燕初歸步
屨為花早起春來猶淺便做出十分春意喜鳳釵纔卸
珠幡早換巧梳描翠 看數點催花雨膩更一陣遞香

風細小鶯吹暖調聲嫩蝶試晴舞翅清歡易失怕輕負
年芳流水好趁閒共整吟鞵日日訪桃尋李

范晞文

字景文
號葯莊

意難忘

清淚如鉛嘆咸陽送遠露冷銅仙崑花紛墮雪津柳暗
生烟寒日後暮江邊草色更芊芊四十年留春意緒不
似今年山陰欲棹歸船暫停杯雨外舞劒燈前重逢
應未卜此別轉堪憐憑急管倩繁絃思苦調難傳望故
鄉都將往事付與啼鵲

鄭斗煥

字丙文
號松窓

新荷葉

乳鴨池塘晴波漾綠鱗鱗宿藕根香夏來生意還新
錢小鈿花貼翠相間萍星一番雨過一番暗展圓清
魚戲龜遊看來猶未勝情因憶年時垂釣曾約輕盈玉
人何處關情是半捲芳心簾風一棹鴛鴦催起歌聲

曹良史

字之才
號梅南

江城子

夜香燒了夜寒生掩銀屏理銀箏一曲春風都是斷腸
聲杜宇欲啼楊柳外愁似海思如雲背燈暗卸乳鶯
裙酒初醒夢初醒蘭炷熏篝誰爲煖羅衾二十四簾人

悄悄花影碎月痕深

趙與仁

字元父
號學舟

柳梢青

落桂

露冷仙梯霓裳散舞記曲人歸月度層霄雨連深夜誰
管花飛 金鋪滿地苔衣似一片斜陽未移生怕清香
又隨涼信吹過東籬

琴調相思引

冰箔紗簾小院清暗塵不動地花平昨宵風雨涼到木
犀屏 香月照妝秋粉薄水雲飛珮藕絲輕好天良夜
閒理玉靴笙

西江月

夜半河痕依約雨餘天氣溟濛起行微月徧池東水影
浮花花影動簾櫳量減難追醉白恨長莫盡啼紅鴈
聲能到畫樓中也要玉人知道有秋風

又王奕

字伯敬號斗山玉山人宋亡又自號至元逸民有集十二卷梅崑雜詠七卷皆散失僅存

東行斐稿三卷詞附

賀新郎

僕過魯自葛水買舟至維揚又自維揚買舟至孔林登泰山復還淮楚盡江山所歷之妙真所謂茲行冠平生者也

有客過東魯自葛水泛舟西下帆開三楚萬里湖光磨
水鏡五老落星烟渚又飛過二姑門戶彭澤柳青新舊

色望九華依約池陽路風雨廟烏江羽士蛾眉牛渚皆
如故問緣何澹港汀洲江聲無語采石書生勳業在公
子錦袍何處流恨下秦淮商女多景樓頭吟北固笑平
山堂裏誰爲主且爛飲瓊花露

舞曲又

醉醒瓊花露買扁舟名伯津頭向秦郵去流水孤村鴉
萬點回首少游斜樹又著訪山陽酒侶細剔留城碑蘚
看上歌臺一嘯江東主望鳧繹過鄒魯孔林百拜瞻
瑩墓歷曲阜少皞之墟大庭之庫竟涉汶河登泰岱夜
半清光玄圃迤邐門東平歸路口塚黃花吟笑罷下新

詞經卷三十一
七
州醉白樓頭賦復淮楚尋故步

醉江月

和辛稼軒金陵賞心亭

英雄老矣對江山莫遣淚珠成斛一簑西風休掩面白
浪黃塵眯目鳳去臺空鷺飛洲冷幾度斜陽木欲書往
事南山應恨無竹寧是商女當年後來腔調拍手銅
鞮曲偃蹇老松雖拗面猶逞一枰殘局烏巷垂楊鵲橋
野草今爲誰家綠賞心何處浩歌歸臥梅屋

臨江仙

和元遺山題揚州平山堂

二十四橋明月好暮年方到揚州鶴飛仙去總成休襄
陽風笛急何事付悠悠幾闋平山堂上酒夕陽還照

邊樓不堪風景重回頭淮南新棗熟應不說防秋

湯彌昌

字師言瑞安州判
官有碧山類稿

虞美人

題水村圖卷趙文敏為錢德鈞圖

翰林妙寫溪村趣荷屋知何處溪翁想像住溪灣一笑
如今家在畫圖間西風門掩蘆花澈聊與漁樵伍人
間不信有張翰剪取吳淞空向卷中看

祝英臺近

前題

染秋雲圖澤國野趣入游戲能事何須五日畫一水重
重楊柳陂塘茅茨村落蘆鄉外西風漁計晚烟霽有
客乘扁舟延緣度疎葦欲訪幽居宛在碧溪尾浩然目

送飛鴻醉歌款乃溪光裏亂山橫翠

趙必璩

官參軍僉書

宴清都

舟中思家用美成韻

遠遠漁村鼓斜陽外賓鴻三兩飛度茅簷春小白雲隱
兒青山當戶騷人底事飄蓬渾忘却耕徒釣侶何時尋
斗酒江鱸悠悠千古重賦風流種柳淵明折腰五斗
身爲名苦有秫田二頃菊松三徑不如歸去山靈休勒
俗駕容我臥草堂深處問故園怨鶴啼猿今無恙否

陳

紀

咸淳進士

賀新郎

聽琵琶

趁拍哀絃促聽泠泠絃間細語手間推覆鶯語間關花
底滑急雨斜穿梧竹又澗底松風簌簌鐵撥鯤絃春夜
永對金釵鍾乳人如玉敲象板剪銀燭 六幺聲斷涼
州續悵梅花歲晚天寒佳人空谷有限絃聲無限意淪
落天涯幽獨頓喚起閒愁千斛賀老定場無處問到如
今只鼓昭君曲呼羯鼓瀉醞醪

楊澤民

有和清真
詞一卷

滿庭芳

春過園林雨餘池沼嫩荷點點輕圓晝長人靜芳樹欲
生烟一徑幽通邃竹松風漱石齒濺濺平生志功名未

就先覓五湖船 不如歸去好良田二頃茅舍三椽任
高歌月下痛飲花前果解忘情寄意又何在琴撫無絃
烟波客扁舟過我相伴白鷗眠

陳先

好事近

石亭探梅

尋徧石亭春點點暮山明滅竹外小溪深碧倚一枝寒
月淡雲疎雨苦無情得折便須折醉帽風鬟歸去有
餘香愁絕

東從周

合肥人

小重山

題依綠軒

楊柳絲絲兩岸風前村溪路遠小橋通人家依約水西
東舟一葉移過葦花叢清景迥涵空好山青未了暮
雲重是誰驚起幾征鴻天然趣都在畫圖中

李

震

廬陵人

賀新涼

題高尚書夜山圖

樓據吳山背倚高寒塵飛不到越山相對老月騰輝羣
動息獨坐清分沉澹更滿聽潮聲澎湃醉裏詩成神鬼
泣景蒼涼又在新詩外渾忘却功名債憑誰妙筆能
圖繪羨中郎前身摩詰宛然心會拈出清宵無限意半
幅溪藤光怪方信有人間仙界雲淡天低奇絕處笑僧

詞餘卷三十一
殊未識丹青在留此軸誇千載

李銓

點絳脣

牡丹

十二紅闌帝城穀雨初晴後粉拖香逗易惹春衫袖
把酒題詩遐想歡如舊花知否故人消瘦長憶同携手

陳從古

字洮湖

蝶戀花

芍藥

日借輕黃珠綴露困倚東風無限嬌春處看盡嫣紅渾
謾與淡妝偏稱泥金縷不共鉛黃爭勝負殿後開時
故欲尋春去去似朝霞無定所那堪更著催花雨

鄭子玉

八聲甘州慢 草

漸鶯聲近也探年芳河畔
柅輕輪旋東風染綠綿綿平
野無際烟春最苦夕陽天外
愁損倚欄人無奈瀟湘杳
留滯王孫 冷落池塘殘夢是
送君歸後南浦消魂賴
東君能容醉臥展香裯儘教
更行人遠也相伴連水復
連雲關山道算無今古客恨
長新

章麗真 宋宮人

長相思 送汪水雲歸吳

吳山秋越山秋吳越兩山相對
愁長江不盡流 風颿

詞綜卷三十二
颶雨颶颶萬里歸人空白頭南冠泣楚囚

袁正真

宋宮人

長相思

前題

南高峰北高峰南北高峰雲淡濃湖山圖畫中
采芙蓉賞芙蓉小小紅船西復東相思無路通

詞綜卷三十三 補人

金元詞六十七首

耶律楚材 一首

李俊民 五首

馮子振 四首

白無咎 一首

許謙 一首

張可久 四首

喬吉 一首

何繼高 一首

陳深 一首

趙雍 八首

王璉 三首

歐陽玄 三首

孟昉 二首

舒頔 二首

舒遜 一首

劉忠之 一首

何可視 二首

袁華 一首

于立 一首

陸仁 一首

張遜 一首

石民瞻 一首

鄒韶 一首

柯九思 一首

王逢 一首

何景福 一首

錢抱素 三首

吳瓘 一首

錢應庚 四首

王蒙 一首

陸祖先 一首

王燧 一首

張翹 一首

金綱 一首

王容谿 一首

夢庵 一首

無名氏 一首

管道昇 一首

耶律楚材

字晉卿遼東丹王後入元累官中書省贈太師封廣寧王諡文正有湛然居士集

鷓鴣天

題七真洞

花界傾頽事已遷
浩歌遙望意茫然
江山王氣空千劫
桃李春風又一年
橫翠嶂架寒烟
野花平碧怨啼鵲
不知何限人間夢
併觸沉思到酒邊

李俊民

字用章澤州人承安五年進士第一應奉翰林文字罷歸不出金亡元世祖欲官之不可卒賜諡莊靖先生有莊靖集詞附

洞仙歌

謝楊誠之寄梅

隴頭瀟灑辜負尋芳眼
浪蘂浮花問名懶
縱看看驛使

詞總卷三十三
帶得春來祇恐怕綠葉成陰子滿 暗香無恙否月落
參橫惆悵羅浮夢魂短賴故人情重不減西湖花一月
分我黃昏一半更選甚南枝與北枝是一種春風待爭
寒暖

摸魚兒

送姪謙甫出山

這光景能銷幾度大都數十寒暑結廬人在山深處萬
壑千崑風雨朝復暮甚不管堂堂背我青春去高情自
許似野鶴孤雲江鷗遠水此興有誰阻 功名事休歎
儒冠多悞韓顛彭蹶無數一溪隔斷桃源路只有人家
雞黍歌且舞更不住醉中時出烟霞語暫來樵斧看

兩爭棊人間不道俯仰成今古

謁金門

探梅

誰便道昨夜雪中開了次第不將消息報探芳人草草
宜在嫩寒清曉興比孤山更好籬落逢花須醉倒惜
花人易老

滿江紅

和張文玘

宿酒纔醒聽喚起一聲春曉無限恨滿城風絮一川烟
草年少拋人容易去萬紅千紫都開了試但教頭上插
花枝花應笑 狂言在人絕倒狂藥盡愁難埽待叮嚀
囑付再來青鳥團扇不堪題往事斷絃惟恨知音少但

時時頻把鏡來看人將老

點絳脣

重陽菊間小酌同申元帥

秋樹風高可憐憔悴門前柳白衣去後閒却持杯手
一笑相逢落帽年時友君知否南山如舊人比黃花瘦

馮子振

字海粟攸州人仕爲承事郎
集賢院待制自號瀛洲客

鷓鴣天

贈歌兒珠簾秀

十二闌干映遠眸醉香空斷楚天秋鰕鬚影薄微微見
龜背紋輕細細浮香霧斂翠雲收海霞爲帶玉爲鈎
夜來捲盡西山雨不著人間半點愁

鸚鵡曲

和白无咎韻

巍峨峰頂移家住旦暮見上下樵父爛柯時樹老無花
葉葉枝枝風雨故人曾喚我歸來却道不如休去指
門前萬疊青山是不費青蚨買處

黑漆弩

正宮

錢塘初夏

錢塘江上親曾住司馬標不是村父縷金衣唱徹流年
幾陣紗窓梅雨夢回時不見犀梳燕子又銜春去便
人間月缺花殘是小小香魂斷處

又

溪山小景

長繩短繫虛名住傾濁酒口勸鄰父草亭前矮樹當門
畫出輕烟疎雨看燕南陌上紅塵馬耳北風吹去一

年年月夜花朝自占取溪山好處

白無咎

百字折桂令

敝裘塵土壓征鞍鞭絲倦裊蘆花弓劍蕭蕭一徑入烟
霞動羈懷西風木葉秋水蒹葭千點萬點老樹昏鴉三
行兩行寫長空啞啞鴈落平沙曲岸西邊近水灣漁
網綸竿釣槎斷橋東壁傍溪山竹籬茅舍人家滿山滿
谷紅葉黃花正是淒涼時候離人又在天涯

許謙

字益之金華人受業金履祥之門累薦不起
至元三年卒賜諡文懿學者稱白雲先生有

白雲集

蘇州新買 旦暮具土下蘇父歐休報樹榮無芬

蝶戀花

正月十一日

楊柳池塘春信早
簾卷東風猶帶餘寒
峭暖透博山紅
霧繞洞簫扶起歌聲杳
初試花冠金鳳小
鬢亂釵橫
長怯傍人笑
銀燭未殘樽未倒
雞聲漏水頻催曉

張可久

字伯遠號小山慶元人以路吏轉首領有小山樂府二卷

風入松

九日

哀箏一抹十三絃
飛雁隔秋烟
携壺莫道登臨晚
雙雙燕爲我留連
仙客玲瓏玉樹佳人窄
索金蓮
琅琅新雨洗湖天
小景六橋邊
西風潑眼山如畫
有黃花休恨無錢
細看茱萸一笑詩翁健似當年

人月圓 春日次韻

羅衣還怯東風瘦不似少年游匆匆塵世看看鏡裏白
了人頭片時春夢十年往事一點閒愁海棠開後梨
花暮雨燕子空樓

又 客吳江

三高祠下天如鏡山色浸空濛尊羹張翰漁舟范蠡茶
竈龜蒙故人何在前程莫問心事誰同黃花庭院青
燈夜雨白髮秋風

又 吳門懷古

山藏金虎雲藏寺池上老梅枝洞庭歸興香柑紅樹鱸

鱸銀絲 白家亭館吳宮花草可似當時最憐人處啼
烏夜月猶怨西施

喬吉

字夢符人原人有猩猩道人樂府一卷

天淨沙

一從鞍馬西東幾番衾枕朦朧薄倖雖來夢中爭如無

夢那時真箇相逢

何繼高

字左昌至正八年進士知嵩明州

採桑子

王萊民書圖

醉歸那忍旋分手竹屋燈明石鼎茶聲坐久聽來酒力
輕粉箋染就芙蓉滑小句初成轉自淒清寒逼春衫

欲二更

陳

深

字子微吳郡人與趙孟頫錢舜舉同時

虞美人

題玉環玩書圖

玉搔斜壓烏雲墮
敬枕看書臥
開元天子惜娉婷
一笑嫣然何事便傾城
馬嵬風雨歸時路
香骨銷黃土
多情誰寫畫圖中
江水江花千古恨無窮

趙

雍

字仲穆文敏之子官待制

玉珥墜金環

乳燕交飛曉鶯輕
嚙花深處畫堂簾幕捲
東風晴雪飄香絮
猶記當時院宇
悄寒輕梨花暮
雨繡衾同夢
鴛枕

雙敬綠窓低語
春已闌珊落紅飄滿西園路強拈針
線解春愁只是無情緒無奈年華暗度黛眉顰柔腸萬
縷章臺人遠芳草和烟萋萋南浦

攤破浣溪沙

春草萋萋綠漸濃
梨花落盡晚來風
試問相逢何處好
小樓東
朱箔影移無限恨
玉簫聲轉曲將終
獨倚闌
干誰是伴
月明中

水調歌頭

春色去何急
春去尚微寒
滿地落花芳草
漸覺綠陰圓
馬足車輪情味
暑往寒來
歲月擾擾十餘年
贏得朱顏

老孤負好林泉 寶妝鞍金作鞚玉爲鞭須臾得志紛
華滿眼縱相漫功名自來無意富貴浮雲何濟於我亦
徒然萬事付一笑莫放酒盃乾

江城子

仙肌香潤玉生寒悄無言思綿綿無限柔情分付與春
山青鳥能傳雲外信憑說與帶圍寬 花梢新月幾時
圓再團圓是何年可是當初真箇兩無緣極目故人天
際遠多少恨凭闌干

浣溪沙

楊柳樓臺鎖翠烟楊花簾幕撲香綿佳人何處隔江山

芳草已生千里恨玉笙吹徹五更寒夜深和淚倚闌
干

憶秦娥

春寂寂重門半掩梨花白芳心如醉暗思當日
金釵欲墮烏雲側佳人望斷天涯客今年又過清明寒食

人月圓

人生能幾渾如夢夢裏奈愁何別時猶記眸盈秋水淚
濕春羅綠楊臺榭梨花院宇重想經過水遙山遠魚
沉雁杳分外情多

燭影搖紅

新綠成陰落紅如雨春光晚當年誰與種相思空羨雙
飛燕寂寞幽窓孤館念同遊芳郊秀苑香塵隨馬細草
承輪都成腸斷 別久情深幾時重約閒庭院高樓終
日卷朱簾極目愁無限莫恨藍橋路遠有心時終須再
見休教長怨鏡裏孤鸞篋中團扇

王璉

字國器吳興人趙文敏婿

菩薩蠻

題黃子久溪山雨意圖

青山不趁江流去數點翠收林際雨漁屋遠模糊江村
半有無 一峰飛醉墨秋與天爭碧淨洗綺羅塵一巢
棲亂雲

踏莎行 沐髮

寶鑑凝膏温泉流膩瓊纖一把青絲墜冰膚淺漬麝煤
春花香石髓和雲洗 玉女峰前咸池月底臨風細把
犀梳理陽臺行雨乍歸來羅巾猶帶瀟湘水

又 破窓風雨爲性初徵君賦

潤逼疎櫺寒便芳秋梨花寂寞重門閉檢書剪燭話巴
山秋池回首人千里 記得彭城逍遙堂裏對牀夢破
簷聲碎林鳩呼我出華胥恍然枕石聽流水

歐陽玄

字原功瀏陽人從張貫之學延祐元年以尚書與貢明年賜進士累官翰林學士承旨進

階光祿大夫追封楚國公諡曰 ■ 有圭齋集

漁家傲

五月都城猶衣袂端陽蒲酒新開臘月傍西山青一招
荷花夾西湖近歲過茗雲 血色金羅輕汗搦宮中畫
扇傳油法雪腕綵絲紅玉甲添香鴨涼糕時候秋生榻

又

八月都城新過雁西風偏解驚游宦十載辭家衣線綻
清宵半家家擣練砧聲亂 等待中秋明月翫客中只
作家中看秋草牆頭螢火暗疎鐘斷鄰雞喚起情何限
又

十月都城家百蓄霜菘雪韭冰蘆膾暖炕煤爐香豆熟

燔獐鹿高昌家賽羊頭福
貂袖豹祛銀鼠襪美人來

往氈車續花戶油窓通曉旭回寒燠梅花一夜開金屋

孟

昉

字天偉本西域人寓北平至正中爲翰林待制官至江南行臺監察御史

天淨沙

上樓迎得春歸暗黃著柳依依弄野輕寒似水錦牀鴛
被夢回初日遲遲

又

依微香雨青氛金塘閒水生蘋數點殘芳墮粉綠莎輕
襯月明空照黃昏

舒

頤

字道原績溪人元台州學正世亂居華陽山中自號華陽逸者有華陽貞素先生文集附

太常引

山色共承宣君秩滿我遲延幾度醉花前曾怪殺春山
杜鵑 菱花再照鸞膠再續應笑雪盈顛深夜語嬋娟
也曾是都門少年

風入松

紗厨過雨晚涼生枕簟不勝情水肌玉骨元無汗香風
迥深院語流鶯翠幌光搖絳蠟畫堂暖瀉銀餅 玉箏
牙板按新聲雲髻寶釵橫銀絲膾細江鱈脆揚州月照
我醉吹笙舊事十年猶記壯懷此日堪驚

舒

遜

字士謙號可庵績溪人貞素先生之弟

感皇恩

疎雨滴清秋洗殘流火爽動涼飈透簾幙寒蛩吟徹誰
道小窓蕭索青燈相伴我情依約 螢照更殘烏啼月
落悲壯山城數聲角漫漫長夜扣角長歌方覺人生能
有幾須行樂

劉忠之

太常引

送郭復齋

少年南北快飛騰身到處有佳聲
甕社化纔行又出使
餘杭故城 春風滿路堤邊楊柳難繫去
留情何處望

雙旌泛千里孤舟月明

何可視

字思明嘉興人值元末世亂不仕自號爛柯樵者

蝶戀花

送春

金井啼鴉深院曉颺盡東風柳絮吹難了燕子多情相
識早杏梁依舊雙雙到一縷沉烟簾幕悄滿眼飛花
祇攪人懷抱十二玉樓春樹杪天涯不斷青青草

玉樓春

鄰雞喔喔晨窓白檐樹深沉初辨色鴛鴦瓦上露溶溶
翡翠簾邊風瑟瑟小樓一半屏山隔不減銀缸通照
夕還鄉好夢却忘愁夢破那堪仍在客

袁

華

字子英
崑山人

水調歌頭

宴顧仲瑛金粟影亭賦桂

山橫眉黛淺雲擁髻鬟愁天香笑携滿袖曾向廣寒游
素腕光搖寶釧金縷聲停象板歌罷不勝秋十指露春
笋佯整玉搔頭記錢塘朝載酒夜藏鈎青衫斷腸司
馬消減舊風流三百六橋春色二十四番花信重會在
蘇州水調按新曲明月照高樓

于立

字彥成南康人學道會稽山中與顧仲瑛友善

水調歌頭

前題

微紅暈雙臉濃黛寫新愁好似霓裳仙侶曾向月中游

憶得影娥池上金粟盈盈滿樹風露九天秋折取一枝
去簪向玉人頭 夜如年天似水月如鈎只恐芳時暗
換脉脉背人流莫唱竹西古調喚醒三生杜牧遺夢遶
揚州醉跨青鸞去雙闕對瓊樓

陸

仁

字良貴
河南人

水調歌頭

前題

露冷廣寒夜喚醒玉真愁銀橋憶得飛度曾侍上皇游
一曲霓裳按罷兩袖天香歸後人去已千秋笑倚金粟
樹斜插玉搔頭 憶錢塘今夜月也如鈎題詩欲寄紅
葉又怕水西流誰把琵琶彈恨愁絕多情司馬不是在

江州醉飲玉山裏有霧遶飛樓

張遜

水調歌頭

前題

玉樹後庭曲千載有餘愁碧月夜涼人靜曾賦采華游
玉露細搖金縷香霧輕籠翠葆折下一天秋張緒總能
老還自鎖眉頭把鸞箋裁繡句寫銀鈎回文巧成錦
字長恨與江流漠漠梁間燕子款款花邊蝴蝶夢覺却
并州獨感舊時貌還復照西樓

石民瞻

京口人

清平樂

題桐花道人吳國良卷

吳郎丰度邂逅春城暮暖日晴雲花滿樹恰似故人詩
句
坐中翔鳳飛霞來尋弄玉仙家說與江州司馬淚
痕只爲琵琶

鄒

韶

字九成
吳興人

清平樂

次前韻

湘雲微度六曲朱欄暮簾外香飄梅子樹知有王孫索
句
誰將瓊琯吹霞柳花飛過東家說與門前去馬斷
腸休爲琵琶

柯九思

字敬仲號丹
丘台人

柳梢青

詠梅

懊恨春初飄零月下輕離輕隔重醞黎雲乍舒椒眼羞
人曾識已堪索笑巡檐早準備憐憐惜惜莫是溪橋
攙先開却試馳金勒

王逢

字原吉江陰人至正中作河清頌臺
臣薦之稱疾不起有梧溪集七卷

如夢令

菰村賦贈

簷聳數株松子村繞一灣菰米鷗外迥聞雞望望雲山
烟水多此多此酒進玉盤雙鯉

何景福

字介夫淳安人別號鐵牛翁至正末
遭亂不仕有介夫文集四卷詞附

虞美人

別魯道源

三年奔走荒山道喜說茗溪好茗溪秋水漫悠悠載將

詞總卷三十三
離恨上杭州 干戈未已身如寄安樂知何處青溪溪
上釣魚磯縱使無魚還有蟹螯肥

錢抱素

字素菴南
金之兄

臺城路

次邵復孺韻

碧雲深處遙天暮經年雁書沉影雨散梅魂風醒草夢
還見春回鄉井花明柳暝念賈閣香空謝池詩冷流水
斜陽舊游那是舊風景 懷思橫泖雅趣故人吟嘯裏
得意酬領譜綴臺城緘傳舊水肯把俊游重省憑高倚
迥縱老興猶濃不堪馳騁隔斷相思浦潮波萬頃

春草碧

客窓閒理清商譜彈到斷腸聲傷今古自憐素髮無多
猶記紋疏夜深語空剩舊時踪迷南浦 梨花燕子清
明誰家院宇沒箇好情懷杯慵舉天涯行李蕭蕭還是
新愁老羈旅那更落花深紅似雨

瑣窓寒

題玉山草堂

書帶生香忘憂弄色四窓虛悄茅茨淨覆棟宇洗空文
藻捲珠簾雨痕暮收綺羅靜隔紅塵鳥對紙屏素榻拂
潭烟樹埽簷風篠 深窈西園曉似日照爐峰數聲啼
鳥瑤蓮倚蓋曉水靚妝孤裊浣花溪尚餘舊春穠芳賸
馥吟未了望東林小徑斜通夢約香山老

吳

瓘

字瑩之又
號竹莊人

柳梢青

牆角孤根株身纖小嬌羞無力蟹眼微紅粉容未露不
禁春色 待東君汨沒芳姿漸迤邐檀心半坼緩步迴
廊黃昏淡月那時相得

錢應庚

字南
金

八聲甘州

倚和邵復孺

折蘭難寄遠渺汀蒲烟柳思依依甚檐花聽斷騷章歌
罷此意誰知滿眼孤村流水腸斷去年時過了重陽日
重問歸期 同是天涯羈旅嘆湘靈鼓瑟笑我全非九

江風雨外客有澹忘歸正木杪褰情愁予又吳潮吹上
竹枝詞西窓夜待剪燈深坐却話相思

隔浦蓮近拍

水檻對雨

緋榴開滿露井竹映琅玕瑩幔捲方池雨微微落飛檐
影荷蓋擎萬柄明妝靚浪破魚吹鏡翠禽並梅風乍
起桃笙微帶新潤瀟湘舊夢喚我綠叢歸興憑徧闌干
暗自省人靜夕陽移下清景

春草碧

次韻酬復孺

折衝尊俎談兵略還記五湖船烟波約束鄰有客歸來
應訝山翁瘦如鶴問訊舊玄都今非昨當年錦里依

詞餘卷三十三
稀青山似削天地一蘧廬從栖泊西園長記前遊乘興
重來看蘭藥白首友于情同憂樂

臺城路

寒食後雨軒獨坐次復孺韻

一庭芳草閒春晝疎疎弄簾花影鼓子風暄苔痕雨潤
還聽鳴蛙喧井沉吟坐暝正綺席杯空蕙爐烟冷老去
無情好春不減舊芳景 天涯誰念倦旅閉門風雨意
獨自難禁南浦歌長西堂夢遠往事不堪追省滄浪望
迥記那日歸舟此懷猶騁莫倚危樓亂紅愁萬頃

王蒙

璉之子字叔明
別號黃鶴山樵

憶秦娥

花如雪東風夜埽蘇堤月蘇堤月香銷南國幾回圓缺
錢塘江上潮聲歇江邊楊柳誰攀折誰攀折西陵渡
口古今離別

陸祖先

菩薩蠻

題趙松雪水村圖

當年圖畫知何處如今身向滄洲住吾亦愛吾廬芸窓
幾卷書青山天際小目送飛鴻杳試問釣魚船蘆花
淺水邊

王燧

吳人

臺城路

題楚江秋曉

黃陵廟下瀟湘浦依稀少年羈旅夢澤風生渚宮花落
收盡峽雲巫雨長天帶水正日出三竿客船猶熾回望
蒼蒼秋光都在白蘋渚 流年暗驚易度向畫中空見
舊遊如許鼓瑟人遙紉蘭事往誰折芳馨寄與銷魂凝
竚待收拾閒情寫成新句心與鴻飛空江烟浪裏

張翥

嘉興人

踏莎行

破窓風雨為性初徵君賦

簷宿吳雲風經楚袂門深不似春宵閉碧疏吹霽濕燈
花客鄉無夢尋珂里 剪韭吟邊聽潮浪裏江懸漏杳
歸心碎相思鳩外綠萋寒一簾蕉響秋如水

金 綱 嘉興人

踏莎行 前題用韻

草帶殘編荷衣斷袂破窓風雨深深閉江南倦客正思
家地花搖夢來鄉里 翠竹簷前碧蕉叢裏秋聲鬪合
愁心碎不教潘鬢總成霜也應有淚如鉛水

王容溪

如夢令

林下一溪春水林上數峰嵐翠中有隱居人茅屋數間
而已無事無事石上坐看雲起

夢庵

齊天樂

題燕文貴楚江秋曉卷

曉風吹醒篷窗夢驚心斷魂潮尾深鬢蕭蕭秋烟黯黯
殘月漸看西墜披衣乍起對萬頃蒼茫半空飛露曙色
纔分巫山隱隱埽晴翠行舟此際競發歎還吳適楚
盡趨名利投老襟懷思鄉情緒慵賦天涯羈旅鷗汀雁
渚記彷彿當年暗經行處今日披圖舊遊如夢裏

無名氏

憶秦娥

花蹊側秦樓夜訪金釵客金釵客江梅風韻海棠顏色
尊前醉倒君休惜河橋去後空相憶空相憶山長水

遠幾時見得

管道昇

字仲姬趙
子昂室

漁父詞

遙想山堂數樹梅
凌寒玉蘂發南枝
山月照曉風吹只
爲清香苦欲歸

詞綜卷三十三

同定卷三十三

...

...

...

...

...

遊歷山堂幾樹新
炎寒王藥發南林
山月照鄰風火只

燕文隨

曾巖景 十景室

字仲賦

夜客金似春
江梅風韻海棠色

鼓巖報長橋
林梢河橋去後空
相憶空相憶
山長水

詞綜卷三十四 補詞

宋詞五十七首

謝絳 一首

晏幾道 三首

張先 三首

晁補之 二首

賀鑄 十六首

舒亶 一首

王詵 一首

周紫芝 一首

晁端禮 一首

万俟雅言 一首

呂渭老 三首

趙鼎 一首

李彌遜 五首

朱翌 一首

張元幹 一首

劉子翬 一首

張掄 一首

朱敦儒 三首

侯寘 三首

辛棄疾 八首

謝絳

訴衷情 官怨

銀缸夜永影長孤
香草續殘爐
倚屏默默無語
粉淚不成珠

成珠 雙粲枕百嬌
壺憶當初君恩
莫似秋葉無情
欲向人疎

向人疎

晏幾道

宋更漏子

檻花稀池草徧
冷落吹笙庭院
人去日燕西飛
燕歸人

未歸 數書期尋夢意彈指一年春事新
悵望舊悲涼
不堪紅日長

又

柳絲長桃葉小深院斷無人到紅日淡綠烟晴流鶯三
兩聲 雪香濃檀暈少枕上臥枝花好春思重曉妝遲
尋思殘夢時

兩同心

楚鄉春晚似入仙源拾翠處閒隨流水踏青路暗惹香
塵心心在柳外青帘花下朱門 對景且醉芳尊莫話
銷魂好意思曾同明月惡滋味最是黃昏相思處一紙

紅箋無限啼痕

張先

卜算子

夢短寒夜長坐待清霜曉臨鏡無人為整妝但自學孤

鸞照樓臺紅樹杪風月依前好江水東流郎在西問

尺素何由到

燕歸梁

去歲中秋玩桂輪河漢淨無雲今年江上共瑤尊都不

是去年人水晶宮殿琉璃臺閣紅翠兩行分點唇微

破秀眉顰清影外見歌塵

怨王孫

花暮春去都門東路嘶馬將行江南江北十里五里郵
亭幾程程 高城漸遠重凝睇烟容細晚碧空無際不
知今夜何處冷落衾幃欲眠時

晁補之

洞仙歌

柑

江陵種橘尚比封侯貴何況江濤轉千里帶天香含洞
乳宜入春盤紅荔子馳驛風流僅比齒疎潘令老怯
咀冰霜十顆金苞謾分遺觴前須細認別有餘甘從今
去枉却栽桃種李想相如酒渴對文君迥不是人間等

閒風味

又

溫江異果惟有泥山貴驛送江南數千里半含霜輕喫
霧曾怯吳姬親贈我綠橘黃柑怎比雙親雲水外游
子空懷惆悵無人可歸遺報周郎須念我物少情多春
酒醉獨勝甜桃醋李况燈火樓臺近元宵似不減年時
袖中香味

賀鑄

思越人

重過閭門萬事非同來何事不同歸梧桐半死清霜後

頭白鴛鴦失伴飛
原上草露初晞
舊栖新壟兩依依
空牀臥聽南窓雨
誰復挑燈夜補衣

詞
好女兒

車馬匆匆會國門
東信人間自古消魂
處指紅塵北道
碧波南浦黃葉西風
堠館娟娟新月
從今夜與誰同
想深閨獨守空牀
思但頻占鏡鵲
悔分釵燕長望書鴻

詞
浣溪沙

鸚鵡無言理翠衿
杏花零落晝陰陰
畫橋流水一篙深
芳徑與誰同鬪草
繡牀終日罷拈針
小箋香管寫春

心

又

烟柳春梢蘸暈黃
井欄風綽小桃香
覺時簾幙又斜陽
望處定無千里目
斷來能有幾回腸
少年禁取恁淒涼

涼

又

秋水斜陽遶綠陰
平山隱隱隔橫林
幾家村落幾聲砧
車記得西樓凝醉眼
昔年風物似而今
只無人與共登臨

臨

空林山花子

彈箏

錦韉朱絃瑟瑟微
玉纖新擬鳳雙飛
縹緲烟花幕暗

就更衣 約略整鬟釵影動遲回顧步珮聲微宛是春
風蝴蝶舞帶香歸

惜雙雙

皎鏡平湖三十里碧玉山圍四際蓮蕩香風裏綠鴛鴦
覺雙飛起 明月多情隨舵尾偏照空牀翠被回首笙
歌地醉更衣處長相記

厭金盃

風軟香遲花深漏短可憐宵畫堂春半碧紗窓影卷帳
蠟燈紅鴛鴦枕畔密寫烏絲一段 採蘋溪晚拾翠沙空
儘愁倚夢雲飛觀木蘭艇子幾日渡江來心目斷桃葉

詞綜卷三十四
五
青山隔岸

下水船

芳草青門路還拂京塵東去回想當年離聲送君南浦
愁幾許樽酒留連薄暮簾捲津樓烟雨 凭欄語草草
蘅臯賦分首驚鴻不駐燈火紅橋難尋弄波微步謾凝
佇莫怨無情流水明日扁舟何處

踏莎行

荷花

楊柳回塘鴛鴦別浦綠萍漲斷蘭舟路斷無蜂蝶慕幽
香紅衣脫盡芳心苦 返照迎潮行雲帶雨依依似與
騷人語當年不肯嫁東風無端却被秋風誤

定風波

桃

牆上天桃軟軟紅巧垂飛絮入簾櫳自是芳心貪結子
翻使惜花人恨五更風長露萼鮮濃妝臉靚相映隔年
情事此門中粉面不知何處在無奈武陵流水卷春空

鶴冲天

萼萼鼓動花外沉殘漏華月萬枝燈還清晝陌衣香
度飛蓋影相先後個處頻回首錦坊西去期約武陵溪
口當時早恨歡難偶可堪流浪遠分攜久小畹蘭英
在輕付與何人手不似長亭柳舞風眠雨伴我一春銷
瘦

清平樂

陰晴未定薄日烘雲影臨水朱門花一徑渡口鳥啼人
靜 厭厭幾許春情可憐老去蘭成看取鑷殘雙鬢不
隨芳草重生

木蘭花

銀簧雁柱香檀撥鏤板三聲催細抹舞腰輕怯絳袞長
羞按築毬花十八不東城柳岸匆匆發畫舫一篙烟水
濶可憐單枕欲眠時還見尊前前夜月

新念別

詠梅花

湖上蘭舟暮發揚州夢斷燈明滅想見瓊花開似雪帽

簷香玉纖纖曾爲折
漁管吹還咽問何意煎人愁絕
江北江南新念別掩芳樽與誰同今夜月

南柯子 別思

斗酒才供淚扁舟只載愁
畫橋青柳小朱樓猶記出城
車馬爲遲留 有恨花空委
無情水自流河陽新鬢儘
禁秋蕭散楚雲巫雨此生休

舒 亶

一落索 長春花

葉底枝頭紅小天然窈窕
後園桃李謾成蹊能占得春
多少 不管雪消霜曉
朱顏長好年年若許醉花間待

拚了花間老

王詵

行香子 蓼花

金井先秋梧葉飄黃幾回驚覺夢初長月微烟淡疎雨
池塘漸蓼花明菱花冷藕花香幽人已慣枕單衾冷
任商飈催換年光問誰相伴終日清狂有竹間風樽中
酒水邊牀

周紫芝

卜算子

和王彥猷

霜葉下孤篷船在垂楊岸早是淒涼惜別時更惜年華

換別酒解留人拚醉君休管醉裏朱絃莫謾彈愁入

參差雁

晁端禮

鷓鴣天

茶蘼

紅紫飄零綠滿城春風於此獨留情誰將十幅吳綾被
撲向熏籠一夜明風不定雨初晴曉來苔上拾殘英
速教貯向鴛鴦枕猶有餘香入夢清

万俟雅言

尉遲杯慢

李花

碎雲薄向碧玉枝上綴萬萼如將汞粉勻開疑使柏麝

水蘭花慢

石榴花謝了正荷葉蓋平池試瑪瑙杯深琅玕簟冷臨
水簾帷知他故人甚處晚霞明斷浦柳枝垂唯有松風
水月向人長似當時 依依望斷水窮雲起處是天涯
奈燕子樓高江南夢斷虛費相思新愁暗生舊恨更流
螢弄月入紗衣除却幽花軟草此情未許人知

豆葉黃

輕羅團扇掩微羞酒滿玻璃花滿頭小板齊聲唱石州
月如鈎一寸橫波入鬢流

趙鼎

詞綜卷三十四
九
賀聖朝

斷霞收盡黃昏雨
滴梧桐疎樹
簾櫳不捲夜沉沉
鎖一庭風露
天涯人遠
深期夢悄
苦長宵
難度知他窓外
促織兒有許多言語

李彌遜

念奴嬌

坐上次王伯開韻

風簾弄影正閒堂
永晝香銷人寂
軋軋鄰機
芳思亂愁入回文
新織燕蹴巢泥
鶯喧庭柳
好夢無蹤跡
那堪春事背人何計留得
誰似愛酒南鄰
岸巾坦腹醉踏西山
碧綵筆陽春傳雁足
催我飛觴
浮白老去情懷憑君

試看鬢上秋霜色故園千里月華空照相憶

水調歌頭

次向伯恭薊林見寄

不見隱君子一月比三秋驚濤如許夢魂無路絕橫流
安得如雲長翮命駕不須千里上下逐君遊此計杳難
就注目倚江樓西風裏多少恨寄歌頭飛奴接翼為
我三度下南州三得伯恭佳詞正是天寒日暮獨酌一江殘雪
風獵碧莎裘和子浩然句一醉散千憂

入時花心動

七夕

水館風亭晚香濃一番芰荷經雨簾枕乍閒襟裾初試
散盡滿軒衽暑斷雲却送輕雷去疎林外玉鈎微吐夜

未闌秋生敗葉暗催庭樹
天上佳期久阻星河畔仙
車縹緲雲路舊恨未平幽歡難駐灑落半天風露綺羅
人散金猊冷醉魂到華胥深處洞房悄南樓畫角自語

蝶戀花

福州橫山閣

百疊青山江一縷十里人家路繞南臺去榕葉滿川飛
白鷺疎簾半捲黃昏雨樓閣崢嶸天尺五荷芰風清
習習消袪暑老子人間無著處一樽來作橫山主

天仙子

次富季申韻

飛蓋追春春約佇繁杏枝頭紅未雨小樓翠幕不禁風
芳草路無塵處明月滿庭人欲去空一醉鄰翁須記取

見說新妝桃葉女
明年却對此花時
留不住花前語
總向似花人付與

朱翌

朝中措

五月菊

玉臺金盞對炎光
全似去年香
有意莊嚴端午
不應忘却重陽
菖蒲九葉金英
滿把同泛瑶觴
舊日東籬陶令
北窓正臥羲皇

張元幹

臨江仙

茶蘼

鶯喚屏山驚睡覺
嬌羞須索郎扶
茶蘼斗帳冷熏爐
翠

言終卷三十四
十一
穿珠落索香淨玉流蘇
長記枕痕消醉色日高猶倦
妝梳一枝春瘦想如初夢迷芳草路望斷素鱗書

劉子翬

滿庭芳

桂花

秋入微陰涼生平遠小山愁絕天南似聞還斷飛策徧
千岩葉底輕黃纂纂惱人是微裂方緘翛然勝清真冷
淡無艷寄塵凡
澄潭敬兩岸波光搖動碧影相參任
西風十里吹度松杉我自寒灰槁木凝神處不覺熏酣
歸來晚飛花無迹明月滿空涵

張掄

西江月 瑞香花

剪就碧雲鬪藥刻成紫玉芳心淺春不怕峭寒侵煖徹
熏籠瑞錦花裏清芬獨步尊前勝韻難禁飛香直到
玉杯深消得厭厭夜飲

朱敦儒

桂枝香 南都病起

春寒未定是欲近清明雨斜風橫深閉朱門盡日柳搖
金井年光自趁飛花緊奈幽人雪添雙鬢謝山携妓黃
壚貰酒舊愁慵整念壯節漂零未穩負九江風笛五
湖烟艇起舞悲歌淚眼自看清影新鶯又向愁時聽把

人間如夢深省舊溪鶴在尋雲弄水是事休問

醉落魄

泊舟津頭有感

海山翠疊夕陽殿雨雲堆雪鷓鴣聲裏蠻花發我共扁
舟江上兩萍葉東風落酒愁難說誰教春夢分吳越
碧城芳草應消歇曾識劉郎唯有半彎月

未卜算子

碧瓦小紅樓芳草江南岸雨後紗窓幾陣寒零落梨花
晚看到水如雲送盡鴉成點南北東西處處愁獨倚
闌干徧

侯西真

蘇子四犯令

月破輕雲天淡注
夜悄花無語
莫聽陽關牽離緒
拚酩酊花深處
明日江郊芳草路
春逐行人去
不似酴醾開獨步
能著意留春住

漁家傲

過盡百花芳草滿
柳絲舞困闌干
暖柳外鞦韆裙影亂
人逐伴舊家心性
如今懶
斗帳寶香凝不散
黃昏院落鶯聲晚
紅葉不來音信斷
疎酒盞東陽瘦損
無人管

又小舟發臨安

本是瀟湘漁艇客
錢唐江上鋪帆席
兩處烟波天一色

詞餘卷三十四
雲羃羃吳山不似湘山碧 休費精神勞夢役鷗鳧難
上銅駝陌擾擾紅塵人似織山頭石潮生月落今如昔
辛棄疾

金縷曲

柳暗凌波路送春歸猛風暴雨一番新綠千里瀟湘
荀漲人解扁舟欲去又檣燕留人相語艇子飛來生塵
步唾花寒唱我新翻句波似箭鳴柔櫓 黃陵祠下山
無數聽湘娥泠泠曲罷爲誰情苦行到東吳春已暮江
澗潮平穩渡望金雀觚稜細舞前度劉郎今重到問玄
都千樹花存否愁爲倩么絲訴

卜燕鷓鴣天

陌上柔桑破嫩芽，東鄰蠶種已生些。平岡細草鳴黃犢，
斜日寒林點暮鴉。山遠近，路橫斜，青旗沽酒有人家。
城中桃李愁風雨，春在溪頭薺菜花。

太孫又

山上飛泉萬斛珠，懸崖千丈落鼙鼙。已通樵徑行還礙，
似有人聲聽却無。閒略約，遠浮屠。溪南修竹有茅廬。
莫嫌杖履頻來往，此地偏宜著老夫。

西江月

夜行

明月別枝驚鵲，清風半夜鳴蟬。稻花香裏說豐年，聽取

蛙聲一片
七八箇星天外
兩三點雨山前
舊時茅店
社林邊
路轉溪頭忽見

莫教河傳
賤來封此
此語宜著
大夫

春水千里孤舟
浪起夢携西子
覺來村巷夕陽斜
幾家
短牆紅杏花
晚雲做造些兒雨
折花去岸上誰家女
太狂顛那邊柳綿被風吹上天

賦中酒泉子
風雨春
暮
西
黃
刺
下
山

流水無情潮到空城頭
盡白離歌一曲怨殘陽
斷人腸
東風官柳舞雕牆
三十六宮花
濺淚春聲何處說
興
亡燕雙雙

瑞鶴仙

南澗雙溪樓

片帆何太急望一點須臾去天咫尺舟人好看客似三
峽風濤嵯峨劔戟溪南溪北正遐想幽人泉石看漁樵
指點危樓却羨舞筵歌席歎息山林鐘鼎意倦情遷
本無欣戚轉頭陳迹飛鳥外晚烟碧問誰憐舊日南樓
老子最愛月明吹笛到而今撲面黃塵欲歸未得

洞仙歌

飛流萬壑共千巖爭秀孤負平生弄泉手歎輕衫衰帽
幾許紅塵還自喜濯髮滄浪依舊人生行樂耳身後
虛名何似生前一盃酒便此地結吾廬待學淵明更手

種門前五柳且歸去父老約重來問如此青山定重來

否藉疏學識自喜漸疑命死於善 人土亦樂耳長翁

張燕尚雖共千嶽今年底負平生弄泉手煇神舒爽

水國山嶺好風景愛得西風吹木末有香風

李翁最愛日朗天清佳節今對面黃靈符識未詳

本無知却轉顛刺豈須言水鄉眼昏問新刺舊日南對

許誰欲對味羨無益非氣 煇息山林藟鼎意對計

想風驚幾刺險掉與南翁此五豈愁幽人泉石清然

引即國大參整研編與史夫天欲只換人教香春

詞綜卷三十四

詞綜卷三十四

詞綜卷三十五 補詞

宋詞五十五首

程垓 三首

京鏜 一首

吳琚 一首

管鑑 二首

姜夔 一首

劉過 一首

謝懋 二首

馬莊父 一首

韓元吉 一首

劉克莊 三首

趙彥端 三首

劉儼 二首

陸游 一首

張輯 一首

黃機 一首

李泳 一首

戴復古 一首

盧祖臯 一首

吳潛 二首

汪莘 二首

李昂英 二首

趙以夫 一首

黃昇 一首

吳文英 十二首

陳允平 一首

周密 三首

王沂孫 四首

程垓

玉漏遲

一春渾不見那堪又是花飛時節忍對危欄數曲暮雲
千疊門外星星柳眼看誰似當時風月愁萬結憑誰爲

我慙慙低說
不是慣却春心
奈新燕傳情
舊鶯饒舌
冷篆餘香
莫放等閒消歇
縱使繁紅褪盡
猶有酴醿堪折
魂夢切不奈
飛來蝴蝶

鳳棲梧

有客錢塘江上住
十日齋居
九日愁風雨
斷送一春彈指
去荷花又遶南山渡
湖上幽尋君已許
消息不來望得行雲暮
芳草夢魂應記取
不成忘却池塘句

謁金門

濃睡醒驚對一簾秋影
梧葉乍零風不定
半窓疎雨影
愁與年光不盡
人老星星雙鬢
只擬上樓尋遠信
雁

遥烟水暝
不盡人
步星星
雙鬢
只疑上
野暮
數計
到

韓元吉
樓一
兼
好
深
許
葉
寸
零
風
平
水
半
空
輕
雨
濕

浪淘沙
芍藥

鶉鴂怨花殘
誰道春闌多情紅藥待君看
濃淡曉妝新意態
獨占西園
風葉萬枝繁
猶記平山五雲樓
映玉成盤二十四橋明月下
誰凭朱欄
怨風雨
滿
一
春
眼

京風鏜鏜

滿江紅
中秋前同二使者賞月

乘興西來問誰是平生相識
算惟有瑤臺明月照人如昔
萬里清涼銀世界
放教千丈冰輪出
便招邀我輩上

層樓橫孤笛
陰晴事人難必歡樂處天常惜幸星稀
河澹雲收風息更著兩賢陪勝賞此身如與塵寰隔笑
謫仙對影足成三空孤寂

劉克莊

摸魚兒

海棠

甚春來冷烟淒雨朝朝遲了芳信驀然乍暖晴三日又
覺萬株嬌困天怎忍潘令老不成也沒看花分才情減
盡悵玉局飛仙石湖絕筆辜負這春韻傾城色懊惱
佳人薄命牆頭岑寂誰問東風日暮無聊賴吹得胭脂
成粉君細認花共酒古來二事天尤吝年光去迅謾綠

葉成陰青苔滿地做取異時恨

卦入卜算子

海棠為風雨所敗

片片蝶衣輕點點猩紅小道是天工不惜花百種千般

巧朝見樹頭繁暮見枝頭少道是天工果惜花雨洗

風吹了

長相思

餞別

風瀟瀟雨瀟瀟相送津亭折柳條春愁不自聊 烟迢

迢水迢迢準擬江邊駐畫橈舟人頻報潮

吳

璩 風息更著雨聲到 湖濱北望 城與望 寒洲笑

浪淘沙

別 離 事 人 難 少 離 樂 天 常 留 幸 皇 帝

雲葉弄輕陰，屋角鳩鳴。青梅著子欲生仁，冷落江天寒。
食雨花事關情。池館晝盈盈，人耐寒輕。一川芳草只
銷凝。時有入簾新燕子，明日清明。

趙彥端

祝英臺

獸金寒簾玉潤，梅雪印苔絮。春意如人易散，苦難聚。幾
多絲竹，深情池塘幽夢，猶倚賴與君同住。舊游處，誰
喚別浦仙帆。風前問征路，烟雨連江，吹恨正無數。莫教
紫燕歸來，紅雲開後，空悵望玉人輕去。

月中桂

送杜仲微赴闕

露醕無情送長歌未終已醉離別何如暮雨裏一襟涼
潤來留佳客好山侵坐碧勝昨夜疎星淡月君欲翩然
去人間底許員嶠問帆席詩債病非疇昔賴親朋對
影且慰良夕風流雨散定幾回腸斷能禁頭白爲君煩
素手薦碧藕輕絲細雪去去江南路猶應水雲秋共色

滿庭芳

道中憶錢唐舊游

雲暖萍漪雨香蘭徑西湖二月初時兩山十里錦繡照
金羈柳外欄干相望弄東風倚徧斜暉朋游好亂紅堆
裏一飲百篇詩三年江上夢青衫風日白紵塵泥聽
幾聲黃鳥粵對閩溪長是春朝多病今年更添得相思

須歸去倦游滋味猶有個人知

管輅鑑

上計洞仙歌

訪鄭德與郎中留飲

悠然堂上山色渾如畫堂下梅花未多謝向小亭留客
處晴雪初飛香四面不比茅檐低亞綠窓簾晝捲吹
到眉心點綴新妝稱閑雅緩歌喉舞態雲過風迴須信
道欲買青春無價任匆匆歸去酒醒時鎮夢繞瓊梢月
寒清夜

玉連環

泊英州鍾石舖

江上青山無數綠陰深處夕陽猶在繫扁舟爲佳景留

人住青已辦一蓑歸去江南烟雨有情鷗鷺莫驚飛便
相約長爲侶

劉儼

江神子

東風吹夢落巫山整雲鬟却霜紈雪貌冰膚曾共控雙
鸞吹罷玉簫香霧濕殘月墜亂峰寒 解璫回首憶前
歡見無緣恨無端憔悴蕭郎羸得帶圍寬紅葉不傳天
上信空流水到人間

管蝶戀花

小立東風誰共語碧盡行雲依約蘭皋暮誰問離懷知

幾許一溪流水和烟雨
媚蕩楊花無著處纔伴春來
忙底隨春去只恐游蜂粘得住斜陽芳草江頭路

姜夔

清波引

梅

冷雲迷浦倩誰喚玉妃起舞歲華如許野梅弄眉嫵屐
齒印蒼蘚漸爲尋花來去自隨秋鴈南來望江國渺何
處新詩謾與好風景長是暗度故人知否抱幽恨難
語何時共漁艇莫負滄浪夜雨况有清夜啼猿怨人良
苦

陸游

烏夜啼

純扇嬋娟素月紗巾縹緲輕烟高槐葉長陰初合清潤
雨餘天弄筆斜行小草鈎簾淺醉閒眠更無一點塵
埃到枕上聽新蟬風景是吳都對人吟否幽地
劉過
醉太平
情高意真睂長鬢青小樓明月調箏寫春風數聲思
君憶君魂牽夢縈翠銷香暖雲屏更那堪酒醒

張翥

祝英臺近

竹間棋池上字風日共清美誰道春深湘綠漲沙嘴更
添楊柳無情恨烟顰雨却不把扁舟偷繫去千里明
日知幾重山後朝幾重水對酒相思爭似且留醉奈何
琴劔匆匆而今心事在月夜杜鵑聲裏

謝懋

驀山溪

厭厭睡起無限春情緒柳色借輕烟尚瘦怯東風倦舞
海棠紅皺不奈晚來寒簾半捲日西沉寂寞閒庭戶
飛雲無據化作溟濛雨愁裏見春來又只恐愁催春去
惜花人老芳草夢淒迷題欲徧鎖窓紗總是傷春句

黃道雨初乾
霽靄空蟠
東風楊柳碧
穠麤燕子不歸花
有恨小院春寒
倦客亦何堪
塵滿征衫
明朝野水幾
重山歸夢已隨芳草綠
先到江南

黃機

虞美人

十年不作湖湘客
亭埃催行色
淺山荒草記當時
篠竹籬邊羸馬向人嘶
書生萬字平戎策
苦淚風前滴
莫辭衫袖障征塵
自古英雄之楚又之秦

馬莊父

玉宇風日共青
美鬚微春
新醉心

天仙子

水仙花

白玉爲臺金作盞香是江梅名閨苑年時把酒對君歌
歌不斷盃無算花月當樓人意滿 翹戴一枝蟬影亂

樂事且隨人意換西樓回首月明中花已綻人何遠可
惜國香天不管

李西咏

清平樂

亂雲將雨飛過鴛鴦浦人在小樓空翠處分得一襟離
緒 片帆隱隱歸舟天邊雪捲雲游今夜夢魂何處青
山不隔人愁

山戴復古

木蘭花慢

鶯啼啼不盡任燕語語難通奈一點芳心十年不斷惱

亂春風重來故人不見但依然楊柳小橋東記得同題

粉壁而今壁已無蹤蘭臯空漲綠溶溶流恨落花紅

念著破征衫當時送別燈下裁縫相思謾令自苦歎雲

烟過眼總成空落日楚天無際凭欄目送飛鴻

盧祖臯無真跡只當對入意蕭水曠蕪云林戰綠

小闌干

桂花

露華深釀古香醲一樹出雲叢窻間試與閑培秋事聊

寄幽悰一鈎簾靜對西風晚塵外小房櫳輕陰淡日淺
寒清月想見山中前望與林王樹森然霜寒雲可

吳又潛

南柯子

池水凝新碧欄花駐老紅有人獨倚畫橋東手把一枝
楊柳繫春風鵲伴游絲墜蜂粘落蘂空鞦韆庭院小
簾櫳多少閒情閒緒雨聲中

海棠春

郊行

天涯芳草迷征路還又是匆匆春去烏兔裏光陰鶯燕
邊情緒雲梢霧末溪橋野渡盡是春愁落處把酒勸

斜陽小向花間駐

天汪

行香子

臘八日與洪仲簡溪行其夜雪作

野店殘冬綠酒春濃念如今此意誰同溪光不盡山翠

無窮有幾枝梅幾竿竹幾株松籃輿乘興薄暮疎鐘

望孤村斜日匆匆夜窓雪陣曉枕雲峰便擁漁蓑頂漁

笠作漁翁

與又雪後閒眺

策杖溪邊倚杖峰前望瓊林玉樹森然誰家殘雪何處

孤烟向一溪橋一茅店一漁船別般天地新樣山川

喚家僮訪鶴尋猿山深寺遠雪冷鐘殘喜竹間燈梅間
屋石間泉

李昴英

摸魚兒

敞茅堂茂林環翠苔磯低蘸烟浦青蓑混入漁家社斜
日斷橋船聚真樂處坐芳草瓦樽滿酒頻頻注臯禽自
舞慣松徑穿雲梅村踏雪朗笑自來去夾乘車墜爭似
修筇穩步前塵回首俱誤安閑得在中年好抱甕尚堪
蔬圃高眼覷算不識人間寵辱除巢許風篁解語應共
笑羣狙無端喜怒三四計朝暮

瑞鶴仙

甲辰除夕

玉城春不夜映月璧寒流燭藻光射鰲山海雲駕擁遨
頭簫鼓錦旗紅亞東風近也趁樂歲良辰多暇想陽和
早徧南州暖得柳嬌桃冶堪畫紗籠夾道露重花珠
塵吹蘭麝歌朋舞社玉梅轉鬧蛾耍且蠶占先探芋郎
戲巧又卜紫姑燈下聽歡聲猶自未歸鈿車寶馬

趙以夫

憶舊游慢

荷花

望紅藻影裏冉冉斜陽十里沙平喚起江湖夢向沙鷗
住處細說前盟水鄉六月無暑寒玉散青冰笑老去心

情也將醉眼鎮爲花青
亭亭步明鏡似月浸華清人
在秋庭照夜銀河落想粉香濕露恩澤初承十洲縹緲
何許風引綵舟行尚憶得西施餘情裊裊烟水汀

黃昇

清平樂

宮詞

珠簾寂寂愁背銀缸泣記得少年初選入三十六宮第
一
當時掌上承恩而今冷落長門又是羊車過也月
明花落黃昏

吳文英

天香

蠟梅

詞餘卷三十五
蟬葉粘霜蠅苞綴凍生香遠帶風峭嶺上寒多溪頭月
冷枝北枝南開小玉奴有姊先占立牆陰春蚤初試宮
黃淡泊偷分壽陽纖巧 銀燭淚珠未曉酒鍾慳貯愁
多少記得短亭歸馬暮衙蜂鬧荳蔻釵頭恨裏但悵望
天涯歲華老遠信難封吳雲雁杳

古香慢

自度腔夷則商犯無射宮賦滄浪看桂

怨蛾墜柳離佩搖蕙霜訊南圃謾掩橋扉倚竹袖寒日
暮還問月中游夢飛過金風翠羽把殘雲剩木萬頃暗
熏冷麝淒苦 漸浩渺凌山高處秋澹無光殘照誰主
露粟侵肌夜約羽林輕誤剪碎惜秋心更腸斷珠塵蘚

路怕重陽又催近滿城風雨

水龍吟

惠山泉

艷陽不到青山淡烟冷翠成秋苑吳娃點黛江妃擁髻
空濛遮斷樹密藏溪草深迷市峭雲一片二十年舊夢
輕鷗素約霜絲亂朱顏變龍吻春霏玉濺煮銀瓶羊
腸車轉臨泉照影清寒沁骨客塵都浣鴻漸重來夜深
華表露零鶴怨把閒愁換與樓前晚色棹滄波遠

西平樂

過西湖先賢堂

岸壓郵亭路敞華表堤樹舊色依依紅索新晴翠陰寒
食天涯客又重歸歎廢綠平烟帶苑幽渚塵香蕩晚當

時燕又飛來無言對立斜暉追念吟風賞月十載事夢
惹綠楊絲 畫船爲市妖妝艷水日落雲沉人換春移
誰更與苔根埽石菊井招魂謾省隨車載酒立馬臨花
猶認嫣紅傷路枝歌斷讌闌縈華露草零落山丘過此
西湖恨擬西州羊曇淚落沾衣

柳梢青

與龜翁登研意觀雪懷癸卯歲臘朝斷橋
竝馬之遊

斷夢遊輪孤山路杳越樹陰新流水凝酥征衫沾淚都
是啼痕 玉屏風冷愁人醉爛熳梅花翠雲傍夜船回
惜春門掩一鏡香塵

桃源憶故人

越山青斷西陵浦一岸密陰疎雨潮帶舊愁生莫曾折
垂楊處桃根桃葉當時渡嗚咽風前柔櫓燕子不留
春住空寄離檣語

齊天樂

與馮深居登禹陵

三千年事殘鴉外無言倦憑秋樹逝水移川高陵變谷
那識當時神禹幽雲怪雨恨萍濕空梁夜深飛去雁起
青天數行書似舊藏處寂寥西窓坐久故人慳會遇
同剪燈語敗蘚殘碑零圭斷壁重拂人間塵土霜紅罷
舞謾山色青青霧朝烟暮岸鎖春船畫橋翻賽鼓

又

毘陵陪兩別駕宴丁園

竹深不放斜陽入橫波澹墨林沼斷莽平烟殘荷剩水
宜得秋深纔好荒亭旋埽正著酒寒輕弄花春小障錦
西風半園歌袖半吟草獨游清興易嬾景饒人未勝
樂事長少柳下停車尊前岸幘同撫雲根一笑秋香未
老漸風雨西城暗敬客帽背日移舟亂鴉溪樹繞

三十醉落魄

題藕花洲尼扇

春溫紅玉織衣學剪嬌鴉綠夜香燒短銀屏燭偷擲金
錢重把寸心卜翠深不礙鴛鴦宿採菱誰記當時曲
青山南畔紅雲北一葉波心明滅淡妝束

越山螻戀花

題華山女道士扇

北斗秋橫雲髻影鶯羽衣輕腰減青絲剩一曲游仙聞
玉磬月華深處人初定 十二闌干和笑凭風露生寒
人在蓮花頂睡重不知殘酒醒層城幾度啼鴉暝

望江南

三月暮花落更情濃人去鞦韆閒挂月馬停楊柳倦嘶
風堤畔畫船空 厭厭醉長日小簾櫳宿燕夜歸銀燭
外啼鶯聲在綠陰中無處覓殘紅

金縷曲

陪履齋先生滄浪看梅

喬木生雲氣訪中興英雄陳迹暗追前事戰艦東風慳
借便夢斷神州故里旋小築吳宮閒地華表月明歸夜

鶴歎當時花竹今如此枝上露濺清淚
遨頭小簇行春隊步蒼苔尋幽別塢看梅開未重唱梅邊新度曲催
發寒梢凍蘂此心與東君同意後不如今今非昔兩無
言相對滄浪水懷此恨寄殘醉

陳允平

瑞鶴仙

燕歸簾半捲正漏約瓊籤笙調玉管蛾眉畫來淺甚春
衫懶試夜燈慵剪香溫夢暖訴芳心芭蕉未展渺雙波
望極空江二十四橋凭徧
蔥蒨銀屏綵鳳霧帳金蟬
舊家坊院烟花弄晚芳草恨斷魂遠對東風無語綠陰

深處時見飛紅數片算多情尚有黃鸝向人睨睨

周密

三姝媚 送聖與還越

淺寒梅未綻正潮過西陵短亭逢鴈秉燭相看歎俊花
零落滿襟依黯露草霜花愁正在廢宮蕪苑明月河橋
笛外尊前舊情消滅莫訴離觴深淺恨聚散匆匆夢
隨帆遠玉鏡塵昏怕賦情人老後逢淒惋一樣歸心
喚起故園愁眼立盡斜陽無語空江歲晚

獻仙音 弔雪香亭梅

松雪飄寒嶺雲吹凍紅破數枝春淺襯舞臺荒浣妝池

詞餘卷三十五
五
冷淒涼市朝輕換歎花與人凋謝依依歲華晚 共淒
黯問東風幾番吹夢應慣識當年翠屏金輦一片古今
愁但廢綠平烟空遠無語消魂對斜陽衰草淚滿又西
冷殘笛低送數聲春怨

探芳信

西泠春感

步晴晝向水院維舟津亭喚酒歎劉郎重到依依漫懷
舊東風空結丁香怨花與人俱瘦甚淒涼暗草浴池濕
苔侵甃 橋外晚風驟正香雪隨波淺烟迷岫廢苑塵
梁如今燕來否翠雲零落空堤冷往事休回首最消魂

一片斜陽戀柳

王沂孫

長亭怨

重過中庵故園

泛孤艇東臯過訊尚記當日綠陰門掩屐齒莓堦酒痕
羅袖事何限欲尋前跡空惆悵成秋苑自約賞花人別
後總風流雲散青水遠怎知流水外却是亂山尤遠天
涯夢短想忘了綺疏雕檻望不盡苒苒斜陽撫喬木年
華將晚但數點紅英猶識西園淒惋

慶宮春

水仙

明玉擎金織羅飄帶爲君起舞回雪柔影參差幽芳零
亂翠圍腰瘦一稔歲華相誤記前度湘臯怨別哀絃重

聽都是淒涼未須彈徹
國香到此誰憐烟冷沙昏頓
成愁絕花惱難禁酒消欲盡門外水澌初結試招仙魄
怕今夜瑤簪凍折携盤獨出空想咸陽故宫落月

踏莎行

題草窓詩卷

白石飛仙紫霞悽調斷歌人聽知音少幾番幽夢欲回
時舊家池館生青草風月交游山川懷抱憑誰說與
春知道空留離恨滿江南相思一夜蘋花老

摸魚子

玉簾寒翠痕微斷浮空清影零碎碧芽也抱春洲怨雙
捲小緘芳字還又似繫羅帶相思幾點青鈿綴吳中蕉

事悵酪乳爭奇鱸魚謾好誰與共秋醉 江湖興昨夜
西風又起年年輕誤歸計如今不怕歸無準却怕故人
千里何況是正落月垂虹怎賦登臨意滄浪夢裏縱一
舸重遊孤懷暗老餘恨渺烟水

詞綜卷三十五

願辭卷三十三 願辭 香到此誰憐 州冷沙昏

成愁絕花惱難禁 酒消飲盡門外水漸初結 試招仙

作今 願辭 願辭 願辭 願辭 願辭 願辭 願辭 願辭 願辭

踏莎行

白石飛仙紫雲侵 調斷歌人 聽知音 少幾番幽夢欲回

時舊家池館生青草 風月交游 山川懷抱 憑誰說與

眼重遊 雁對韻 欲綸 壯遊 眼水 一夜蘋花老

千里 願辭 景五 蓉八 垂 理 沙 滅 登 韻 意 欲 夢 裏 誰 一

西風又 吹我 手 轉 難 離 情 嘆 今 不 能 離 無 準 味 誰 人

事 誰 領 誰 拿 誰 誰 誰 誰 誰 誰 誰 誰 誰 誰 誰 誰 誰 誰 誰 誰

詞綜卷三十六 補詞

宋金元詞五十四首

張炎 十首

張槃 一首

湯恢 四首

翁元龍 五首

樓扶 一首

莫崙 一首

李萊老 五首

李彭老 三首

王易簡 二首

葛長庚 一首

完顏壽 二首

段克己 三首

段成己 二首

元好問 二首

劉因 一首

仇遠 一首

虞集 一首

宋 褰 一首

薩都刺 三首

倪瓚 一首

顧瑛 一首

陶宗儀 一首

唐桂芳 一首

張雨 一首

張炎

壺中天 夜渡古黃河與沈堯道曾子敬同賦

揚舸萬里笑當年底事中分南北須信平生無夢到却
向而今遊歷老柳官河斜陽古道風定波猶直野人驚
問汎槎何處狂客 迎面落葉蕭蕭水流沙共遠都無
行迹衰草淒迷秋更綠惟有閒鷗獨立浪挾天浮山邀

雲去銀浦橫空碧扣舷歌斷海蟾飛上孤白

又 養拙園夜飲

瘦筇訪隱正繁陰閒鎖一壺幽綠喬木蒼寒圖畫古窈
窕行人韋曲鶴響天高水流花淨笑語通華屋虛堂松
外夜深涼氣吹燭 樂事楊柳樓心瑤臺月下有生香
堪掬誰理商聲簾外悄蕭瑟懸璫鳴玉一笑難逢四愁
休賦任我雲邊宿倚欄歌罷露螢飛上秋竹

疎影

余于庚寅歲北歸與西湖諸友夜酌因有感
于舊遊寄周草窓

柳黃未結放嫩晴消盡斷橋殘雪隔水人家渾是花陰
曾醉好春時節輕車幾度新堤曉想如今燕鶯猶說縱

言終卷三十六
二
艷遊得似當年早是舊情都別
重到翻疑夢醒弄泉
試照影驚見華髮却笑歸來石老雲荒身世飄然一葉
閉門約住青山色自容與吟窓清絕怕夜寒吹到梅花
休捲半簾明月

紅情 荷花

無邊香色記涉江自採錦亭雲密剪剪紅衣學舞波心
舊曾識一見依然自語流水遠幾回空憶動倒影取次
窺妝玉潤露痕濕 閒立翠屏側愛向人弄芳背酣斜
日料應太液三十六宮土花碧清興凌風更爽正無數
滿汀如昔泛片葉烟波裏臥橫紫笛

風入松

賦稼村

老來學圃樂年華茅屋短籬遮兒孫戲逐田翁去小橋
橫路轉三叉細雨一犁春意西風萬寶生涯 携筇猶
記渡晴沙流水帶寒鴉門前少得寬閒地遶平疇盡是
桑麻却笑牧童遙指杏花深處人家

滿庭芳

小春

晴皎霜花曉鎔冰羽開簾覺道寒輕誤聞啼鳥生意又
園林閒了淒涼賦筆便而今不聽秋聲銷凝處一枝借
暖終是未多情 陽和能幾許尋芳探粉也恁忺人笑
鄰娃癡小料理護花鈴却怕驚回睡蝶恐和他草夢都

詞綜卷三十六
醒還知否能消幾日風雪灞橋深

聲聲慢

送琴友季靜軒還杭

荷衣消翠蕙帶餘香燈前共語生平苦竹黃蘆都是夢
裏遊情西湖幾番夜雨怕如今冷却鷗盟倩寄遠見故
人說道杜老飄零 難挽清風飛珮有相思都在斷柳
長汀此別何如一笑寫入瑤琴天空水雲變色任悵悵
山鬼愁聽興未已更何妨彈到廣陵

水龍吟

寄袁竹初

幾番問竹平安雁書不盡相思字籬根半樹村深孤艇
闌干屢倚遠草兼雲凍河膠雪此時行李望去程無數

并州回首還又渡桑乾水
笑我曾遊萬里甚匆匆便
成歸計江空歲晚栖遲猶在吳頭楚尾疎柳輕寒斷橋
浮月依然憔悴待相逢說與相思想亦在相思裏

湘月

余載書往來山陰道中每以事奪不能盡興
戊子冬晚與徐平野王中仙曳舟溪上天空
水寒古意蕭颯中仙有詞雅麗平野作晉雪
圖亦清逸可觀余述此調

行行且止把乾坤收入篷窓深裏星散白鷗三四點數
筆橫塘秋意岸嘴衝波籬根受葉野徑通村市疎風迎
面濕衣原是空翠 堪歎敲雪門荒爭棋墅冷苦竹鳴
山鬼縱使如今猶有晉無復清遊如此落日沙黃遠天
雲淡弄影蘆花外幾時歸去剪取一半烟水

木蘭花慢

舟中有懷澄江陸起潛皆山樓昔遊

水痕吹杏雨正人在隔江船看燕集春蕪魚棲暗竹濕
影浮烟餘寒尚猶戀柳怕東風未肯擘晴綿愁重遲教
醉醒夢長催得輕圓樓前笑語當年情款密思留連
記白月依弦青天墮酒袞袞山川垂髻至今在否倚飛
臺誰擲買花錢不是尋春較晚都緣聽得啼鶉

張槃

浣溪沙

習習輕風破海棠鞦韆移影上迴廊晝長蝴蝶爲誰忙
度柳早鶯分暖綠過花小燕帶春香滿庭芳草又斜

陽

湯恢

倦尋芳

飴簫吹暖蠟燭分烟春思無限風到楝花二十四番吹
徧烟濕濃堆楊柳色晝長閒墜梨花片悄簾櫳聽幽禽
對語分明如剪記舊日西湖行樂載酒尋春十里塵
軟背後腰肢彷彿畫圖曾見宿粉殘香隨夢冷落花流
水和天遠但如今病恹恹海棠池館

滿江紅

小院無人正梅粉一堦狼藉疎雨過溶溶天氣早如寒

食啼鳥驚回芳草夢峭風吹淺桃花色漫玉爐沉水熨
春衫花痕碧綠縠水紅香陌紫桂棹黃金勒悵前歡
如夢後遊何日酒醒香銷人自瘦天空海闊春無極又
一林新月照黃昏梨花白

祝英臺近

宿醒蘇春夢醒沉水冷金鴨落盡桃花無人埽紅雪漸
催煮酒園林單衣庭院春又到斷腸時節一恨離別長
憶人立茶蘼珠簾捲香月幾度黃昏瓊枝爲誰折都將
千里芳心十年幽夢分付與一聲啼鳩

又 中秋

月如水天似水冷浸畫欄濕桂樹風前濃香半狼藉此
翁對此良宵別無可恨恨則恨古人頭白 洞庭窄誰
道臨水樓臺清光最先得萬里乾坤元無片雲隔不妨
彩筆銀箋翠尊冰醞自管領一庭秋色

翁元龍

水龍吟

雪霽登吳山見滄閣聞城中簫鼓聲

畫樓紅濕斜陽素妝褪出山眉翠街聲暮起塵侵鐙戶
月來舞地官柳招鶯水萍飄雁隔年春意黯梨雲散作
人間好夢瓊簫在錦屏底 樂事輕隨流水暗蘭消作
花心計情絲萬軸因春織就愁羅恨綺昵枕迷香占簾

看夜舊游經醉任孤山剩雪殘梅漸嬾跨東風騎

風流子

聞桂花懷西湖

天闌玉屏空輕陰弄淡墨畫秋容正涼挂半蟾酒醒窓

下露催新雁人在山中又一片好秋花占了香換却西

風蕭女夜歸帳栖青鳳鏡娥妝冷釵墜金蟲 西湖花

深窈閒庭砌曾占席地歌鐘載取斷雲歸去幾處房櫳

恨小簾燈暗粟肌消瘦熏爐烟滅珠袖玲瓏三十六宮

清夢還與誰同

醉桃源

柳

千絲風雨萬絲晴年年長短亭闌黃看到綠成陰春由

他送迎
鶯思重燕愁輕
如人離別情繞湖烟冷罩波
明畫船移玉笙

謁金門

鶯樹暖弱絮欲成
芳繭流水惜花流不遠
小橋紅欲滿
原上草迷離苑
金勒晚風嘶斷
等得日長春又短
愁
深山翠淺

絳都春

秋晚海棠與黃菊盛開

花嬌半面記蜜燭
夜闌同醉深院
衣袖粉香猶未經年
如年遠玉顏不趁秋容換
但換却春遊同伴
夢回前度
郵亭倦客又拈箋管
慵按梁州舊曲
怕離柱斷絃驚

破金雁霜被睡濃不比花前良宵短秋娘羞占東籬畔
待說與深宮幽怨恨他情淡陶郎舊緣較淺

樓扶

水龍吟

和清真梨花韻

素娥洗盡繁妝夜深步月秋千地輕腮暈玉柔肌籠粉
緇塵斂避霽雪留香曉雲同夢昭陽空閉悵仙園路杏
曲欄人寂疎雨濕盈盈淚未放遊蜂葉底怕春歸不
禁狂吹象牀困倚冰魄微醒鶯聲喚起愁對黃昏恨催
寒食滿襟離思想千紅過盡一枝獨冷把梅花比

莫 崙

卜算子

紅底過絲明綠外飛綿小不道東風上海棠白地春歸
了月笛曲欄留露舄芳池繞爭得閒情似舊時偏索
檐花笑

李萊老

惜紅衣

寄弁陽翁

笛送西泠帆過杜曲晝陰芳綠門巷清風還尋故人書
屋蒼華髮冷笑瘦影相看如竹幽谷烟樹曉鶯訴經年
愁獨殘陽古木書畫歸船匆匆又南北賓洲鷗鷺素
熟舊盟續甚日浩歌招隱聽雨弁陽同宿料重來時候

香蕩幾灣紅玉

青玉案

草窓詞卷

吟情老盡江南句
幾千萬垂絲縷
花冷絮飛寒食路
漁烟鷗雨燕昏鶯曉
總入韶華譜
紅衣妝靚涼生渚
環碧斜陽舊時樹
拈葉分題觴詠處
荀香猶在庾愁何許
雲冷西湖賦

生查子

妾情歌柳枝
郎意憐桃葉
羅帶綰同心
誰信愁千結
樓上數殘更
馬上看新月
繡被怨春寒
怕學鴛鴦疊

高陽臺

落梅

門掩香殘屏搖夢冷珠鈿糝綴芳塵臨水拏花流來疑
是行雲蘚梢空挂淒涼月想鶴歸猶怨黃昏黯銷凝人
老天涯雁影沉沉斷腸不在聽橫笛在江臯解珮翳
玉飛瓊烟濕荒村背春無限愁深迎風點點飄寒粉悵
秋娘滿袖啼痕更關情青子懸枝綠樹成陰

杏花天

年時中酒風流病正雨暗蘼蕪深徑人家寒食烟初禁
狼藉梨花雪影西湖夢紅沉翠冷記舞板歌裙廝趁
斜陽苦與黃昏近生怕畫船歸盡

李彭老

木蘭花慢

正千門繫柳賜宮燭散青烟看香靨芳唇塗妝暈色試
盡春妍田田滿堦榆莢弄輕陰淺冷似秋天隨處餽香
杏暖燕飛斜躡鞦韆朱絃幾換華年扶醉向落紅前
記舊時遊冶燈樓倚扇水院移船吟邊夢雲飛遠有題
紅都在薛濤箋聽絕殘簫倦笛夜堂明月窺簾

高陽臺

落梅

飄粉杯寬盛香袖小青青半掩苔痕竹裏遮寒誰念減
盡芳雲么鳳叫晚吹晴雪料水空烟冷西泠感凋零殘
縷遺鈿迤邐成塵東園曾趁花前約記按箏籌酒戲

挽飛瓊環珮無聲草暗臺榭春深欲倩怨笛傳清譜怕
斷霞難返吟魂轉銷凝點點隨波望極江亭

生查子

羅襦隱繡茸玉合銷紅豆深院落梅鈿寒峭收燈後
心事卜金錢月上鶯黃柳拜了夜香休翠被聽春漏

王易簡

齊天樂

客長安賦

宮烟曉散春如霧參差護晴窗戶柳色初分飴香未冷
正是清明百五臨流笑語映十二闌干翠嚙紅妒短帽
輕鞍倦遊曾徧斷橋路東風爲誰媚嫵歲華頻感慨

雙鬢何許前度劉郎三生杜牧贏得征衫塵土心期暗
數總寂寞當年酒籌花譜付與春愁小樓今夜雨

慶春宮

謝草窓惠詞卷

庭草春遲汀蘋香老數聲珮悄蒼玉年晚江空天寒日
暮壯懷聊寄幽獨倦遊多感更西北高樓送日佳人不
見慷慨悲歌夕陽喬木紫霞洞窅雲深嫋嫋餘音鳳
簫誰續桃花賦在竹枝詞遠此恨年年相觸翠榆芳宇
謾重省當時顧曲因君凝竚依約吳山半痕蛾綠

葛長庚

好事近

贈趙制機

行到竹林頭探得梅花消息冷
蘂疎英如許更無人知
得水枯雪老歲年徂
俯仰自嗟惜醉臥影裏有何人
相識

完顏壽

漁父詞

楊柳風前白板扉
荷花雨裏綠蓑衣
紅稻美錦鱗肥
漁笛閒拈月下吹

又

釣得魚來臥看書
船頭穩置酒葫蘆
烟際柳雨中蒲乞
與人間作畫圖

段克己

水調歌頭

癸卯八月十七日逆旅平陽夜聞笛聲有感而作

亂雲低薄暮微雨洗清秋涼蟾乍飛破鏡倒影入南樓
水面金波灩灩簾外玉繩低轉河漢截天流桂子墮無
跡爽氣襲征裘 廣寒宮在何處可神遊一聲羌管誰
弄吹徹古梁州月自與人無意人被月明催老今古共
悠悠壯志久寥落不寐數更籌

望月婆羅門引

癸卯元宵與諸君各賦詞以爲樂寂寞山村無可道者因述其昔乍

京華所見以望月婆羅門引歌之酒酣擊節將有墮開元之淚者

暮雲收盡柳梢華月轉銀盤東風輕扇春寒玉輦通宵

遊幸綵仗駕雙鸞間鳴絃脆管鼎沸鰲山
漏聲未殘
人半醉尚追歡是處燈圍花護雕鞍繁華夢斷醉幾度
春風雙鬢斑回首處不見長安

蝶戀花

聞薦有感

鶉鴉一聲春已曉蝴蝶雙飛暖日明花草花底笙歌猶
未了流鶯又復催春老
早是殘紅枝上少飛絮無情
更把人相惱老檜獨含冰雪操春來悄沒人知道

段成己

滿江紅

新春用遜菴韻

料峭東風吹醉面向人如舊凝竚立野禽聲裏無言搔

首庭下梅花開盡也春痕已到江邊柳待人間事了覓
清歡身名朽 菟裘計何時有林下約牀頭酒怕流年
不覺鬢邊還透往事不堪重記省舊愁未斷新愁又把
春光分付少年場從今後

又

偶觀春事闌珊謹用遜菴登鶴雀樓韻以寫所懷

檢點花枝風雨外雪堆璫蠹春去也朱絲絃斷鸞膠難
續眼底光陰容可惜舊游回首尋無跡對青山一餉倚
枯藤灘聲急 人已老身猶客家在邇歸猶隔縱語音
如舊形容非昔芳草絲絲隨意綠平波渺渺傷心碧到
愁來惟覺酒杯寬人間窄

元好問

今樽酌燕幽泉烟曲肅泉琴聲浴醴來故人

邁陂塘

泰和中大名民家小兒女有以私情不遂赴水者官為蹤跡之無見也其後踏藕者

得二屍水中衣服仍可驗其事乃白是歲此

陂荷花開無不並帶者沁水梁國用時為錄

事判官為李用章內翰言如此

問蓮根有絲多少蓮心知為誰苦雙花脉脉嬌相向只是舊家兒女天已許甚不教白頭生死鴛鴦浦夕陽無語算謝客烟中湘妃江上未是斷腸處金香奩夢好在靈芝瑞露中間俯仰今古海枯石爛情緣在幽恨不埋黃土相思樹流年度無端又被西風誤蘭舟少住怕載酒重來紅衣半落狼籍臥風雨

青玉案

代贈欽叔所親樂府憚生

苧蘿坊裏青驄駐愛鸚鵡垂簾語一捻嬌春能幾許寒
梅欲動小桃初放恰是關心處
西城流水東城雨綠
葉成陰慣相誤只恐韶華容易去一聲金縷一卮芳酒
且爲花枝住

劉因

風中柳

飲山亭留宿

我本漁樵不是白駒空谷對西山悠然自足北窓疎竹
南窓叢菊愛村居數間茅屋
風烟草屨滿意一川平
綠問前溪今朝酒熟幽泉歌曲清泉琴筑欲歸來故人

留宿銷味絲窓并弄劍精書更村嫌濛望俞窅幽蘭和
是仇好遠思却幾甄凝睇青血盡散銀風舞又恐敲盡
今寒生查子韻冰玉道真只存金雞曾以語雙燕盡餘
釵頭綴玉蠶耿耿東窓曉京洛少年遊猶恨歸來早而
寒食正梨花古道多芳草今夜試青燈依舊雙花小
虞山集水邊賦也然登山人賦懋羅爵茲前武棠亦
南鄉子剪梅招熊少府
南阜小亭臺薄有山花取次開寄語多情熊少府晴也
須來雨也須來 隨意且銜盃莫惜春衣坐綠苔若待
明朝風雨過人在天涯春在天涯

宋風襲盡八五天我春亦天我

更來穆護砂

燭淚

詞意且辭盡莫惜春水坐將答春

底事蘭心苦便淒然泣下如雨倚金臺獨立搵香無主
腸斷封家相妒亂撲簌驪珠愁有許向午夜銅盤傾注
便不似紅冰綴頰也濕透仙人烟樹羅綺筵前海棠花
下淫淫常怕鳳脂枯比洛陽年少江州司馬多少定誰
如更照破別離心緒學人生有情酸楚想洞房佳會而
今寥落誰能暗收玉筯算只有金釵曾巧補輕濕盡粉
痕如故愁思減舞腰纖細清血盡媚臉膚腴又恐嬌羞
絳紗籠却綠窓伴我檢詩書更休教鄰壁偷窺幽蘭啼

曉露

薩都刺

水龍吟

贈友

王郎錦帶吳鉤醉騎赤鯉銀河去絳袍弄月銀壺吸酒
錦箋揮兔髻西風短篷落月東吳西楚悵丹陽郭裏
相逢較晚共剪燭西窓雨 文采風流俊偉碧紗巾挂

珊瑚樹出門萬里掀髯一笑青山無數揚子江頭凍沙
寒雨暮天飛鷺待明朝酒醒金山過瓜洲渡

酹江月

題清溪白雲圖

周郎幽趣占清溪一曲小橋橫渡溪上紅塵飛不到惟

有白雲來去出岫無心凌江有態水面魚吹絮倚門遙
望鍾山一半留住 涵影淡蕩悠揚朝朝暮暮是幾番
今古指點昔人行樂地半是鷺洲鷗渚映水朱樓踏歌
畫舫寂寞知何處天涯倦客幾時歸釣春雨

又 過淮陰

短衣瘦馬望楚天空濶碧雲林杪野水孤城斜日裏猶
憶那回曾到古木鴉啼紙灰風起飛人淮陰廟搥牛醜
酒英雄千古誰弔 何處漂母荒墳清明落日腸斷王
孫草鳥盡弓藏成底事百事不如歸好半夜鐘聲五更
雞唱南北行人老道傍楊柳青春又來了

倪瓚

憑欄人

贈吳國良

客有吳郎吹洞簫明月沉江春霧曉湘靈不可招水雲

中環珮搖

聖顧

水調歌頭

桂

金粟綴仙樹玉露浣人愁誰道買花載酒不似少年游

最是宮黃一點散下天香萬斛來自廣寒秋蝴蝶逐人

去雙立鳳釵頭 向樽前風滿袖月盈鈎縹緲羽衣天

上遺響遏雲流二十五聲秋點三十六宮夜月橫笛按

伊州同躡彩鸞背飛過小紅樓三木六宮文貝謝雷

去陶宗儀題題任向軒前風滿餘長益後霖燥休沐天

景景露華賦碧桃用南湖韻

武陵夜寂記露影璇空一笑曾識素臉暈鉛巧把黛螺

輕冪莫是歌渡烟江浣却舊家顏色還又訝深宮紺袖

唾花猶濕問他阿母消息甚落寞黎雲青鳥難覓不

比錦紅輕薄容易狼藉嫩綠護出溪頭誰顧采香仙客

春晚也頻溫玉笙是得

唐桂芳

入

南鄉子

送李仲先還集慶

青春又來

社雨燕交飛不解行人有別離
明月鳳凰臺上酒堪思
天濶雲昏海樹低
風正一帆遲
簾卷芙蓉江上移
去
去霜臺消息近
誰知滿眼江山太白詩

張雨

東風第一枝

玉簪

清淚如鉛綠房迎曉寶階低
擁雲葉蜻蜓飛上搔頭依
前艷香未歇西窓夜雨怪
簾底參差涼月正一叢深倚
琅玕石上只愁磨折
問瑤草應憐短髮曾醉墮無聲
膩滑羞他金雀鈿蟬高似水
仙羅襪芳心斷絕誰與贈
湘臯瓊珞試折花
擲作銀橋看舞素鸞回雪

翠草飽寒精汁芬鬱非馳瀝香縹素鸞回雲

鳳翥蓋鈿金雀睨馳高川木山羅綺芳心瀾際藉與顰

翠瓦下土只蒸穠汁問誰草頭樹頭幾曾賴剷無聲

雨澆香未解西窓亦雨到薰風寒暑京且五一簾卷

香燼收餘絲風收熱澗甜沁蘇雲葉翻舞生香雨

花東風菜一絲正聲消息甚淡真翠雲青鳥難覓不

比兼紅雨薄容易狼藉嫩綠誰出溪頭誰顧采香仙客

去帶臺榭思長壽喉齋耶丘山太白霜

天隨雲香新樹外風五一陣銀蕙卷芙蓉丘土絲去

詞綜卷三十六 雜言人字限轉押凡鳳凰臺上西想思